

M314: Ulrich von Liechtenstein: Frauendienst (M)

0,1 "Sit rehten trivwen so rat ich
0,2 Daz du so iht v'derbest dich
0,3 Leb als dich got hab herzen leben
0,4 Vn- hab daz er dir hab gegeben
0,5 Von im vil willeclich fuer guot
0,6 Ob du daz tust daz ist reht' muot
0,7 Wil du dich anders dann er wil
0,8 Des mutes ist dir alze vil ."
0,1 "Niftel daz dich got gesegen
0,2 Wiz ich han mich sin gar bewegen
0,3 Swie mir gelinget od' geschiht
0,4 Des wil ich dich v'swigen niht
0,5 Ich enbiut ez endelichen dir
0,6 Vn- bite dich daz du ez ir
0,7 Enbietest durch die triwe din
0,8 D' h'zen lieben frowen min"
0,1 "Daz lob ich dir uf minen eit
0,2 Vn- wiz neue ez ist mir leit
0,3 Daz du sin niht wil abe gestan"
0,4 Sus reit ich von d' guoten dan
0,5 Ze graez sa in daz steirelant
0,6 Da ich vil guote meist' vant
0,7 Dem besten tet ich al zestunt
0,8 Gar allen minen willen kunt
0,1 Er sprach "ez ist nu gar enwiht
0,2 Ich snid iuch vor dem maien niht
0,3 Chumt ir mir in dem maien her
0,4 Bi minen triwen ich iuch wer .
0,5 Ich mach iv iuern munt also
0,6 Daz ir sin sit von schulden vro
0,7 D' dinge ich gar ein meist' pin
0,8 Ich han dar zuo vil ganzen sin"
0,1 Do reit ich ab' frowen sehen .
0,2 Den wind' gar daz was geschehen .
0,3 Biz daz d' sueze sumer quam
0,4 Vn- daz d' wind' ende nam
0,5 Do hort ich singen vogelin
0,6 Ich gedaht "sin mach zit sin
0,7 Daz min lip sol ze graeze varn

0,8 Got mueze mich alda bewarn"
 0,1 Sa reit ich hin in gotes pflege
 0,2 Mir wid'fuor uf minem wege
 0,3 Seht min' vrowen kneht den ich
 0,4 Erkande wol er bekand ouch mich
 0,5 Er fragte wa ich wolde hin
 0,6 Vn- war ze den ziten waer min sin
 0,7 "Geselle daz wil ich dir sagen
 0,8 Vremdiv maere niht v'dagen
 0,1 Nv wize ich pin wol gesunt
 0,2 Vn- wil mich machen gern wunt
 0,3 Man sol ze graez sniden mich"
 0,4 D' knappe guot d' segent sich
 0,5 Vn- sprach "nu h're sagt mir wa"
 0,6 Ich sprach "geselle min sich da
 0,7 D' lefs d' ich dri han
 0,8 D' wil ich einen sniden dan"
 0,1 "Und ist ez war so helf iv got
 0,2 So sprich ich wol ane allen spot
 0,3 Ez ist ein wund'lich geschiht
 0,4 Si n weiz ich waen min frowe niht
 0,5 D' wil ich ez sagen durch wund' groz
 0,6 Got weiz wol ir sit sinne bloz
 0,7 Daz ir ivch waget sund' not
 0,8 Ir mueget da von geligen tot"
 0,1 "Nv sag ez swem du wil fuer war
 0,2 Ich bin sin in dem willen gar
 0,3 Ez muoz uf dirre vart geschehen"
 0,4 "Entriwen so wil ich ez sehen
 0,5 Mag ez in ivren hulden sin
 0,6 Vn- wil ouch sagen d' vrowen min
 0,7 Daz ir mich welt da bi iv han
 0,8 Ze schowen wie iv wirt getan"
 0,1 Do reit ich hin vn- reit ouch her
 0,2 Hin ze graez dar stunt min ger
 0,3 Da ich sa minen meister vant
 0,4 D' vnd'want sich min zehant
 0,5 Eins mantagen morgens harte fruo
 0,6 Greif er mit sinen sniden zuo
 0,7 Er wolt mich binden ich wolte niht
 0,8 Er sprach "da von iv schad geschiht
 0,1 Vnd ruert ir iv als vmb ein har
 0,2 Ir nemt sin schaden daz ist war"
 0,3 Ich sprach "daz wirt von mir v'miten
 0,4 Ich pin da her zu iv geritten
 0,5 Vil willeclichen durch min not
 0,6 Vn- sold ich von iv ligen tot
 0,7 De s war man siht mich wenke- niht .

0,8 Swi we so mir von iv geschiht”
 0,1 Min vorhte was ze ware kranc
 0,2 Ich saz vor im vf ein’ banc
 0,3 Er nam ein scharsach in die hant
 0,4 Vn- sneit den munt mir alzehant
 0,5 Hin ob den cenden er durchsneit
 0,6 Daz ich vil senfteclichen leit
 0,7 Daz sniden also gar ergie
 0,8 Daz ich da von gewancte nie
 0,1 Er het mich meisterlich gesniten
 0,2 Daz het ouch ich manlich erlite-
 0,3 D’ munt mir alzehant geswal
 0,4 Grozer vil denn ein sleipal
 0,5 D’ wunden tet er do ir reht
 0,6 Daz sach do gar min’ frowen kneht
 0,7 Er sprach zv mir “muegt ir genesen
 0,8 So pin ich gern hie gewesen
 0,1 Do ich nahste von iv reit
 0,2 Vn- daz ich miner vrowen seit
 0,3 Daz man ivch wolde sniden hie
 0,4 Daz wolt si mir gelouben nie
 0,5 Si sprach also er tuot sin niht
 0,6 Min munt fuer warheit dir des giht
 0,7 Ez dueht mich tumplich gar getan
 0,8 Wold er sich also sniden lan”
 0,1 Nv hab ich ez allez reht gesehen
 0,2 Waz an iv wund’s ist geschehen
 0,3 Nu wil ich hinne von iv varn
 0,4 D’ riche got muez ivch bewarn
 0,5 Vn- mache ivch kuerzlich wol gesu-t
 0,6 Ich wil tuon min’ vrowen kunt
 0,7 Daz man den munt iv hat gesniten
 0,8 Vn- ir daz manlich habt erliten
 0,1 “Du solt von mir d’ vrowen din
 0,2 Niht sagen wan den dienest min
 0,3 Ich en getar niht m’ enbieten ir
 0,4 Wan swem du wil dem sag vo- mir
 0,5 Swaz hie erliten hat min lip
 0,6 Daz si geschehen durch ein wip
 0,7 Div sprach mir stuend min mu-t niht wol
 0,8 Da von ich disen smerze- dol .
 0,1 Der diene ich also miniv iar
 0,2 Daz sag von mir wol offenpar
 0,3 Swaz so ir an mir missehaget
 0,4 Dem ist von mir gar wid’saget
 0,5 Geviel ir niht min zesweniv hant
 0,6 Ich slueg si ab bi got zehant
 0,7 Ich wil da von niht sprechen vil

0,8 Ich wil doch niht wan daz si wil”
 0,1 Svs reit d’ knappe von mir dan
 0,2 hie lag ich als ein wunde man
 0,3 Wol sehstalp wochen od’ me
 0,4 Mir was wol mir was we
 0,5 We da von min lip was wunt
 0,6 So was min h’ze wol gesunt
 0,7 D’ minne twingen twanc mich so
 0,8 Daz mir was we vn- was doch fro
 0,1 Ich was et vro swaz mir geschach
 0,2 Von hung’ grozen vngemach
 0,3 Vn- ouch von durste den leid ich
 0,4 Ich kunde pringen niht in mich
 0,5 Zend vn- mu-t mir taten we
 0,6 Ein salbe noch gruener denn d’ kle
 0,7 Streich man mir in minen munt
 0,8 Diu stanc alsam ein fuler hunt
 0,1 Do mich des libes not betwanc
 0,2 Daz ich az od’ daz ich tranc
 0,3 Div salbe gar dann in mich gie
 0,4 Da von min lip den smac gevie
 0,5 Daz trinchen ezen widerstuont
 0,6 Mir . so tet ich als die tuont
 0,7 Die vor siechtum ouch ezent niht
 0,8 Des wart min lip vil gar enwiht
 0,1 Ich han iv nu genuoc geseit
 0,2 Wie ich durch mine frowen sneit
 0,3 Minen munt nu suelt ir me
 0,4 hoeren wie ez fuerbaz erge
 0,5 Ze graez ich also lange was
 0,6 Vnz daz min lip vil wol genas
 0,7 Do rait ich danne sa zehant
 0,8 Mit frueden da ich min niftel vant
 0,1 Do mich div allerverrest sach
 0,2 Nu suelt ir hoeren wie si sprach
 0,3 “Den munt dir niemen mere sol
 0,4 V’wizen er stat dir nu wol
 0,5 Sich hat din dinc gefueget so
 0,6 Daz ich sin pin von h’zen fro .
 0,7 Ouch ist mir endelich geseit
 0,8 Gar dines libes arbeit
 0,1 Ouch ist daz von mir niht beliben
 0,2 Ich hab ez allez an geschriben
 0,3 Vn- wil ez senden an die stat
 0,4 Da din lip ie gnaden bat
 0,5 Ich mein die lieben frowen din
 0,6 D’ wil ich vf die triwe min
 0,7 Vn- ouch uf mine saelde iehen

- 0,8 Daz ez gar von ir ist geschehen
 0,1 Von einem worte daz si sprach
 0,2 div guote do ich si nahste sach
 0,3 Daz ir din munt geveile niht
 0,4 Min brief sol ouch v'swigen niht
 0,5 Din manicfalden arbeit
 0,6 Vn- ouch din wernde staetecheit
 0,7 Di du mit triwen gegen ir hast
 0,8 Vn- ouch ir nimm' ab gestast"
 0,1 "Niftel min nu lon dir got
 0,2 Vil sueze wip getriwer bot
 0,3 Du tuost mir als rehte wol
 0,4 Daz ich ez von rehte dienen sol
 0,5 Du hast mir so wol getan
 0,6 Daz ich sin niht v'dienen kan
 0,7 Gegen mir din h'ze ie triwe riet
 0,8 Ich hab et ab' niwiv liet
 0,1 Gesungen div solt u von mir
 0,2 Durch minen willen senden ir
 0,3 Do ich ze graeze siech lac
 0,4 Die wile ich si ze rihten pflac
 0,5 Ir lop mir ofte sanfte tuot
 0,6 Ir lop mir gibt vil hohen muot
 0,7 Ir lop mich ofte machet vro
 0,8 Nu hore div liet div sprechent so ."
 0, Daz ist div and' tanzwise .
 0,1 Ich ne weiz waz ich singe
 0,2 von d' naht div gibt mir fruede niht .
 0,3 Min hohgedinge
 0,4 ligt an dem tage wan er ist licht .
 0,5 Ouch ist sin schin
 0,6 der vrowen min
 0,7 vil gelich . des muoz er saelic sin .
 0,1 Er mac von schulden
 0,2 loben die naht d' saeliclichen leit .
 0,3 so muoz ich dulden
 0,4 senediv leit . da von traht ich ir niht
 0,5 vn- lobe den tac .
 0,6 swenn ich si mac
 0,7 sehen div mir wol heilet sorgenslac .
 110cb,1 Den tac ich ere
 110cb,2 do ich die vil guoten erste sach .
 110cb,3 Sit imm' mere
 110cb,4 gab div naht mir lait vn- vngemach .
 110cb,5 si ist mir gram
 110cb,6 vn- ich ir sam .
 110cb,7 Wol dir tac vil saelic sei din nam

110db,1 So mich besezen
110db,2 nahtes habent die sorge alsam die schar
110db,3 Des wirt v'gezen
110db,4 sa . so mir d' tac erschinen clar .
110db,5 So chuemet ein wan
110db,6 daz ich suel gan
110db,7 die vil schoenen taugen sehen an .

110eb,1 Vil gerne ich wolde
110eb,2 loben die naht ergieng ez imm' so .
110eb,3 Daz ich ir solde
110eb,4 nahen ligen div mich nu tuot vnvro .
110eb,5 Wer waer ich dann
110eb,6 ich saelic man .
110eb,7 We daz mir s div guot niht en gan .

111b,1 "Liet vn- brief sand ich dar
111b,2 vn- wil ir endelichen gar
111b,3 Enbieten swes du hast v'iehen
111b,4 Vn- daz ich dich han gesehen
111b,5 Ich wil ouch ir daz machen- kunt
111b,6 Daz dir als rehte stat d' munt
111b,7 Fuer war als einem andern man
111b,8 Da wil ich ir niht liegen an .

112b,1 Den brief den si her wid' mir
112b,2 Sendet friunt den wil ich dir
112b,3 Senden ob er dir ist guot"
112b,4 "Ja liebiu niftel wolgemuot
112b,5 Din bot mich vindet bi d' muor"
112b,6 Mit soelher rede ich von ir fuor .
112b,7 vro vn- hohes muotes heim
112b,8 Den rehten wec gegen liechtenstein

113b,1 Sa do ich von danne quam
113b,2 Liet vn- brief min niftel nam
113b,3 Vn- sand div willeclich zehant
113b,4 hin da man min vrowen vant
113b,5 D' bot vnlang bi ir was
113b,6 Wan sa do si den brief gelas
113b,7 Vn- ouch div liet do schreip si wid'
113b,8 Seht einen brief d' gefruet mich sid' .

114b,1 Do d' brief chom d' nifteln min
114b,2 zehant do must ein bot uf sin
114b,3 Bi dem so sande si in mir
114b,4 Des neig ich willeclichen ir

- 114b,5 D' brief d' tet min herze vro
114b,6 Min muot d' stunt von schulden ho
114b,7 So gern ich e nie brief gesach
114b,8 Nu sueld ir horen wie er sprach
- 114a,1 Min huld vn- ouch den dienst
114a,2 min enbiut ich dir vil willeclichen . Vnd
114a,3 tun dir kunt . Daz ich mich hebe Von dem
114a,4 nahsten mantage von dem huse . da ich
114a,5 alzan uf bin . vn- var hin ze dem huse als
114a,6 du wol weist Vn- bin veber naht in dem
114a,7 market d' bi dir lit . nu bit ich dich .
114a,8 da du des iht last . du chomest dar zu .
114a,9 mir . so wil ich dir allez des antwuerten
114a,10 des du mir enboten hast . Wil ouch din
114a,11 neve dar chomen den sihe ich gern . durch
114a,12 sinen munt wie im d' ste . Vn- durch
114a,13 and's niht
- 115a,a Aventivr wie d' vlrch mit siner
115a,b vrowen wart erst redehaft
115a,1 Do mir d' brief gelesen wart
115a,2 Ich hub mich zu ir an di vart
115a,3 Mir was viel liebe dr an geschehen
115a,4 Daz ich die guoten solde sehen
115a,5 Ich reit zuo ir vil hochgemuot
115a,6 Do was si leid' so behuot
115a,7 Daz ich si den abent nie gesach
115a,8 Dar an vil leide mir geschach
- 116a,1 Min lip entslief des nahtes nie
116a,2 Des morgens do div sunne uf gie
116a,3 Do stunt ich vf vn- gie zehant
116a,4 Hin da ich ir gesinde vant
116a,5 Ritt' vn- vil manigen kneht
116a,6 Die gruozt ich wol daz was min reht
116a,7 Ir dancken daz was zuehte rich
116a,8 Vn- ir gebaerde minneclich
- 117a,1 Dar nach vil schiere was vnlanc
117a,2 Ir caplan eine messe sanc
117a,3 Da mir vil liebe von geschach
117a,4 Wan ich da mine vrowen sach
117a,5 Mit grozen vorhten ich dar gie
117a,6 Da mich div tugentrich enpfie
117a,7 Do si mich sach div guot mir neic
117a,8 Den gruz mit Worten si v'sweic

118a,1 Div messe gar ze kurz mir was
 118a,2 Swaz man da sanc od' las
 118a,3 Des v'nam ich alles niht
 118a,4 Mirz tet so wol div angesiht
 118a,5 An daz vil reine sueze wip
 118a,6 Daz luetzel horte da min lip .
 118a,7 Swaz man da sanc od' swaz man sprach
 118a,8 Ich was et wan d' si an sach .

119a,1 Div messe kurzlich endet sich
 119a,2 Alzehant do hiez man mich
 119a,3 Vn- and' man gar alle uz gen .
 119a,4 Man lie vns da niht lang' sten .
 119a,5 Min vrowe enbeiz vn- reit zehant
 119a,6 Ich gie hin da ich mine niftel vant
 119a,7 Div lachet vn- sach mich guetlich an
 119a,8 Si sprach "du bist ein saelic man

120a,1 Min vrowe hat erluobet dir
 120a,2 Daz du hilt selbe solt mit ir
 120a,3 Reden swaz dich dunchet guot
 120a,4 Si ist gegen dir niht vngemuot
 120a,5 Du solt zu ir hiut vf dem Wege
 120a,6 Riten so ez sich fuegen mege
 120a,7 Vn- rede mit ir swaz du wil
 120a,8 Vn- mach ez idoch niht ze vil"

121a,1 Des was ich vro vn- vil gemeit
 121a,2 Zehant ich nach d' w'den reit
 121a,3 Do ich si vor mir riten sach
 121a,4 Daz herze min vz frueden sprach
 121a,5 "Nu dar nu solt u reden mit ir
 121a,6 Allez daz geualle dir
 121a,7 Si ritet vor dir sund' huot
 121a,8 Rede mit ir swaz dich dunche guot"

122a,1 Sa rait ich paltlich zu ir dar
 122a,2 Do si min bi ir wart gewar
 122a,3 Si kert sich von mir vmbe hin
 122a,4 Da von so zaghaft wart min sin
 122a,5 Daz mir erstumbet an d' stunt
 122a,6 Div zunge min vn- ouch d' munt
 122a,7 Vn- mir daz hubet nider seic
 122a,8 Min lip reht als ein stumbe sweic .

123a,1 Ein and' riter zu ir reit .
 123a,2 Do habt ich uf vn- was v'zeit
 123a,3 In vorhten reit ich hinten nach

- 123a,4 Daz herze min ot ab' sprach
123a,5 "Ja du vil gar v'zagter lip
123a,6 Vn- fuerhtes tu ein so gut wip .
123a,7 Si het dir weiz got niht getan
123a,8 We daz din munt niht reden kan
- 124a,1 Lip nu hoere waz ich sage
124a,2 Wil du mit Worten sin ein zag
124a,3 So kan dir nimm' liep geschehen
124a,4 Des wil ich uf min selde iehen
124a,5 Vn- scheides tu also von ir
124a,6 Daz si nimm' mere dir
124a,7 Wirt holt bi allen dinen tagen
124a,8 Si muoz dich han fuer einen zagen"
- 125a,1 Min herze vil gestrafte mich
125a,2 Da von ermannet ot ab' ich
125a,3 Vn- rait zu ir do daz geschach
125a,4 Div reine sueze mich an sach
125a,5 Von ir an sehen min lip erschrac
125a,6 Daz ich et ab' swigens pflac
125a,7 D' minnen kraft mir alzehant
125a,8 Den minen munt zesamen bant
- 126a,1 Ir suelt fuer war gelauben daz
126a,2 Daz ich niht weste wa ich saz
126a,3 "Lip" sprach ab' daz h'ze min
126a,4 "Daz du vnsaelic muzest sin
126a,5 Du bist z ware ein boese man
126a,6 Do si dich sach so guetlich an
126a,7 Daz du spreche gegen ir niht
126a,8 Des must u imm' sin enwiht"
- 127a,1 "Sich h'ze min got weiz ez wol
127a,2 Swenne ich gegen ir iht sprechen sol
127a,3 Ich weiz niht wa von ez geschiht
127a,4 Daz ich ein wort mac sprechen niht
127a,5 Mir wirt v'sperret so d' munt
127a,6 Daz ich ze ware sa an d' stunt
127a,7 Ein wort h' fuer niht pringen kan
127a,8 Des pin ich ein vnsaelic man"
- 128a,1 "Lip du solt gelouben mir
128a,2 Du schaffest groz vnsaelde dir
128a,3 Ich wil dir s vf min triwe iehen
128a,4 Mir vn- dir muz vil we geschehen
128a,5 Vn- nimm' wol deheine stunt
128a,6 Vn- tuot ir niht din boeser munt .

- 128a,7 Mit Worten kunt den Willen min
128a,8 Ez muoz din vn- min ende sin
- 129a,1 Nv sich du vil boeser lip
129a,2 Vor dir dort ritet daz w'de wip
129a,3 Vil gar eine vnbehuot
129a,4 Wie bist u also vngemuot
129a,5 Daz du niht ritest zu ir dar
129a,6 Vn- sag ir dinen Willen gar
129a,7 Nu dar ez ist fuer war min rat
129a,8 Dir wirt sin liht nimm' mere stat"
- 130a,1 Ich rait et aber zu ir dar
130a,2 Von vorhten was ich vngevar
130a,3 Min angest was ze sprechen groz
130a,4 Daz h'ze min mir mangel stoz
130a,5 Mit spruengen stiez an mine brust
130a,6 Ze reden was gar sin glust
130a,7 Ez sprach "nu sprich nu sprich nu sprich
130a,8 Sit daz nu niemen irret dich"
- 131a,1 Ich tet fuer war wol zehen stunt
131a,2 Gegen ir ze sprechen uf den munt
131a,3 Do was div zunge mir gelegen
131a,4 Si wolde deheines Wortes pflegen
131a,5 Ich wil da von niht sprechen me
131a,6 Ich schiet ot ab' von ir als e .
131a,7 Daz ich gegen ir nie wort gesprach .
131a,8 Des tages mir funf stunt daz geschach
- 132a,1 Div tageweid ein ende nam
132a,2 Div reine sueze gute quam
132a,3 Da si des nachtes solde sin
132a,4 Des was vnvro daz herze min
132a,5 Die vrowen hiez man do abe heben
132a,6 Ich bat mir daz heben geben
132a,7 Ich hub die vrowen abe vil gar
132a,8 Ir was vil mangiv dr und' clar
- 133a,1 Noch habt si dort div vasches vri
133a,2 Vf ir pferde ir stunden bi
133a,3 Ritt' vn- chappen vil
133a,4 Mit den het si ir schimpfes spil
133a,5 Daz heben ich dar truoc
133a,6 Si sprach "ir seit niht starc genuoc
133a,7 Ir muegt mich abe heben niht
133a,8 Ir seit chranc dar zu enwiht"

- 134a,1 Des schimpfes wart gelachtet da
134a,2 do trat si vf daz hebisen sa
134a,3 Do si her von dem satel sleif
134a,4 bi minem har si mich begreif
134a,5 V'holn daz ez niemen sach
134a,6 Div guot mir einen loc vz prach
134a,7 "Daz habet iv des ir seit v'zagt
134a,8 Mir ist niht war von iv gesagt"
- 135a,1 Div guote zuo ir vrowen gie
135a,2 Min lip d' stunt al truric hie
135a,3 Ich gedaht we wie ist mir geschehen
135a,4 Ich muz des wol von schulden iehen
135a,5 Daz nie man also boeser wart
135a,6 wie han ich mich gegen ir bewart
135a,7 Si wirt mir nimm' mere holt
135a,8 Des hat si reht ich han ez v'solt
- 136a,1 In den gedanchen so stund ich
136a,2 Ein ritt' d' hiez balde mich
136a,3 Varn . man sold die vrowen lan .
136a,4 An ir gemach do reit ich dan .
136a,5 Ze herbergen in die stat
136a,6 Got ich vil vliziclichen pat
136a,7 Daz er mir schiere naem daz leben
136a,8 Vn- swaz er het mir hie gegeben
- 137a,1 Ab wege ich in ein kamer fuor
137a,2 Den leuten ich vil tivre swuor
137a,3 Ich waere sich daz was ouch war
137a,4 D' lip mich allenthalben swar
137a,5 Daz herze min het michel not
137a,6 Ez was vil nach vor leide tot
137a,7 Ich want mich h' ich want mich hin
137a,8 Ich het v'wandelt nach den sin
- 138a,1 Ich sprach ov we ov we "ov we we
138a,2 we mir hiut vn- immer me
138a,3 Ov we daz ich ie wart geborn
138a,4 Wie han ich vreud vn- ere v'lorn
138a,5 Wie hat vnsaelde mir v'geben
138a,6 Vn- sold ich tusent iar nu leben
138a,7 Ich wuerde nimm' mere vro
138a,8 Daz ist min reht nuo si also
- 139a,1 Min lip ist wol vnsaelden w't
139a,2 D' pin ich volleclich gewert
139a,3 Ich muoz nu imm' haben leit

139a,4 Daz leit min lip von schulden treit
139a,5 Swaz leides imm' mir geschiht
139a,6 Des han ich fuer vebel niht
139a,7 Wan ich z vil wol v'dienet han
139a,8 Ich sol von reht vnsaelde han

140a,1 O we we vn- imm' we
140a,2 z wiv sol ich armer imm' me
140a,3 Sit daz ich pin so gar enwiht
140a,4 Daz ich getorste sprechen niht
140a,5 Wid' min' vreuden hort .
140a,6 Mines willen doch ein wort
140a,7 Des muez min munt vnsaelic sein
140a,8 Imm' vnd diu zunge min

141a,1 Mir waere liep vn- waer ich tot
141a,2 Sit datz ich in senelich' not
141a,3 Nu imm' mer beliben muoz
141a,4 Mir wirdet nimm' sorgen puoz
141a,5 Ich muoz in sorgen imm' sin
141a,6 Sit daz ich han die vrowen min
141a,7 Die ich ze freuden het erkorn
141a,8 von miner bosheit so v'lorn"

142a,1 Waz welt ir daz ich mere sage
142a,2 Ich was die naht in manig' clage
142a,3 Vnz daz mir chom d' and' tac
142a,4 Izu ich saz izu ich lac
142a,5 Izuo ich stunt izu ich gie
142a,6 Ich want mich dort ich want mich hie
142a,7 Die hende min ich ofte want
142a,8 Min' mage mich ein' also vant

143a,1 Der gie des morgens vruo zu mir
143a,2 Er sprach zu mir "waz wirret dir"
143a,3 Ich iach "mir ist an dem h'zen we
143a,4 Vn- wirt des ie me vn- me
143a,5 Ich wene ez welle mir presten abe
143a,6 Da von ich han dise vngehabe
143a,7 Ich mac gesitzen noch gesten
143a,8 Mir tuot ot niht so wol so gen ."

144a,1 Er sprach "ez ist ein arzet hie"
144a,2 "Den princ mir" zehant er gie
144a,3 Hin nach dem meist' in die stat
144a,4 Ein pferd ich mir gewinnen pat
144a,5 Vn- einen kneht d' mit mir reit
144a,6 zehant ich langer da niht peit

- 144a,7 Ich ran alsam ein tobend' man
144a,8 Hin da ich die guoten hete lan
- 145a,1 Do ich dar quam geloubet daz
145a,2 Min vrowe dort vffe ir pferde saz
145a,3 Vn- reit die straze gegen mir her
145a,4 Nach mines seneden herzen ger
145a,5 Nach vrowen sitten si her reit .
145a,6 In ein' capen . wol geleit
145a,7 Do si mich sach mir wart genigen
145a,8 Von mir wart ouch niht mer geswigen
- 146a,1 Ich sprach "gnade vrowe min
146a,2 Ir suelt durch got genaedic sin
146a,3 Mir . Vn- durch die w'dicheit
146a,4 D' got an ivch hat vil geleit
146a,5 Gnade vrowe gnade rich
146a,6 Genadet mir genaediclich
146a,7 Ir sit an d' min fruede liet
146a,8 Gar min' frueden hochgezeit
- 147a,1 Ir suelt gelouben mir fuer war .
147a,2 Ich han iv elliv miniv iar
147a,3 Gedienet seit ze d' suezen stunt
147a,4 Daz ir alrest mir wurdet kunt
147a,5 Ich bin iv dienstes vnd'tan
147a,6 Mit triwen als ich peste kan
147a,7 Min dienst ist an ivech geleit
147a,8 Mit luott'licher staeticheit
- 148a,1 Vrowe ob al den frueden min
148a,2 Nu lat mich ivren ritt' sin
148a,3 So daz ir dienst erloubet mir
148a,4 Durch iwer tugent so suelt ir
148a,5 Gedenchen daz ich nie gewan
148a,6 Noch imm' mer gewinnen kan
148a,7 So liebez niht so iwer lip
148a,8 Vil reine sueze saelic wip
- 149a,1 Bedenchet mich durch iwer tugent
149a,2 Durch iwer hochgelobte iugent
149a,3 Durch iwer hohe saelicheit
149a,4 bedenket mine staeticheit
149a,5 Lat mich geniezen daz ir sit
149a,6 Div liebestiv mir gar ane strit
149a,7 Tuot mir swie iwer genade si
149a,8 Iu ist min dienst imm' bi

150a,1 Ich wil durch ivch vil w'dez wip
 150a,2 Gerne wagen minen lip
 150a,3 Mit ritt'licher arbeit
 150a,4 Min dienst wirt an ivch geleit
 150a,5 Swa mit ein ritt' dienen sol
 150a,6 Da mit kan ich iv dienen wol
 150a,7 Ich sol ich muoz ich gern wil
 150a,8 Iv dienen an min endes zil"

151a,1 "Swiget ir sit gar ze kint
 151a,2 Vn- gegen so hohen dingen blint
 151a,3 Ir suelt die rede lazen sin
 151a,4 Als lieb iv sin die hulde min
 151a,5 Vn- ritet von mir palde hin
 151a,6 Iv ist noch gar ze tump d' sin
 151a,7 Iv mac div rede ze schade- chome-
 151a,8 Si kan iv nimm' niht gefrumen"

152a,1 "Vil liebiv vrowe ir habt daz war
 152a,2 Ich bin ze tump noch dar zu gar
 152a,3 Daz ich mit iv so niht en kan
 152a,4 Gereden als ich willen han
 152a,5 And's pin ich wol so wis .
 152a,6 Daz ich behalt wol ritters pris
 152a,7 Iv ze dienst sund' wanc
 152a,8 Dar zuo si bin ich niht ze kranc"

153a,1 "Vart von mir daz ist min rat
 153a,2 Ob iwer lip iht sinne hat
 153a,3 Lat mit mir iwer rounen sin
 153a,4 Ir wizet wol man huetet min
 153a,5 Hat iemen iwer rede v'nomen
 153a,6 Mit mir daz mac ze schade- kome- .
 153a,7 Ir suelt mich mit gemache lan
 153a,8 De s war ir seit ein muelich man"

154a,1 Div guote sa hin vmbe sach
 154a,2 Zu einem ritter si do sprach
 154a,3 "Ir sult zu mir ouch riten her
 154a,4 Sol bi mir niemen riten mer
 154a,5 Niwan ein riter daz ist niht guot
 154a,6 Seht daz ir z imm' mer getuot
 154a,7 Ez stat iv allen vbel an
 154a,8 Sol mit mir riten wan ein man ."

155a,1 Ich sprach "si hat iv reht geseit
 155a,2 Ez ist ze war ein vnhuebscheit
 155a,3 Ich weiz daz wol ez missestat

- 155a,4 Daz ir s selb and' riten lat
155a,5 Nu heizet mer ritt' riten her
155a,6 Sit daz an ivch min vrowe ger"
155a,7 Mer danne sehse ir sa dar riten
155a,8 D' sus d' so nach ritters siten
- 156a,1 Min rede must mit ir ein ende han
156a,2 Ich nam vrlup vn- reit von dan
156a,3 Ich was von h'cen hochgemuot
156a,4 Mich duoht min gelinge waer guot
156a,5 Daz ich het miner vrowen schein
156a,6 Geseit ein teil den willen min
156a,7 Des was ich innecliche vro
156a,8 Min muot gestunt e nie so ho
- 157a,1 Do suht ich ritt'schaft zehant
157a,2 Swa man die in dem lande vant
157a,3 Da muost man mich ze ware sehen
157a,4 Vn- ouch fuer einen ritt' spehen
157a,5 Des sumers mir so wol geschach
157a,6 Daz ich ze rehter tyoste stach
157a,7 Einen w'den ritt' nider
157a,8 Des danchte mir min vrowe sid'
- 158a,1 Ich sagt iv min' saelden mer
158a,2 Wan daz ich fuerhte d' vn- d' .
158a,3 So spreche ich rueme mich ze vil
158a,4 Da von ich s vil v'swigen wil
158a,5 Ich was ot hohes mutes rich
158a,6 Den sumer fuor ich ritt'lich
158a,7 Reht als ein frowen ritt' sol
158a,8 Des muost mir gelingen wol
- 159a,1 Der wind' was ot ab' chomen
159a,2 D' sum' het ouch end genomen
159a,3 Do must man lazen ritt'schaft
159a,4 Do tiht ich liet vn- ein botschaft
159a,5 Vn- sant ez sa d' nifteln min
159a,6 Div imm' saelic mueze sin
159a,7 Div sand si beidiv balde dar
159a,8 Da ich hin diene miniu iar
- 160a,1 Der bot wart balde dar gesant
160a,2 Er was d' guoten wol bekant
160a,3 Si hiez in willechomen sin
160a,4 "Gnade" sprach er "vrowe min
160a,5 Ich han ein buechelin iv braht
160a,6 Daz suelt ir lesen gegen d' naht

- 160a,7 Da stet an ein vil guot gepet
 160a,8 Vil tugentlichiv vrowe set”
- 161a,1 Daz puechel sa div sueze nam
 161a,2 Als ez ir tugenden wol gezam
 161a,3 Si wande da stuend an ein gepet
 161a,4 Div reine guot ez uf tet
 161a,5 Si schovwet ez hie si schovwet ez dort
 161a,6 Da stunden an vil sueziv wort
 161a,7 Dort vn- hie si ez gar gesach
 161a,8 Nu horet wie daz puechel sprach
- 870a,1 Un- bant mir abe den helm min
 870a,2 Er sprach “vil edeliv kunegin
 870a,3 Ich laz ivch hie niht stechen mer
 870a,4 Ir habt v’stochen drizic sper
 870a,5 hie des ist iv alze vil .
 870a,6 Niht mer ich iv s gestaten wil”
 870a,7 Mich nam d’ hochgemute man
 870a,8 Sa bi dem zoum vn- zoumt mich da-
- 871a,1 Mit mir er von den leuten reit
 871a,2 da ein tepich was nid’ geleit
 871a,3 Dar vffe entwapent ich mich da
 871a,4 Vn- chleite mich als ein vrowe sa
 871a,5 Ich wart da schiere wol gechleit
 871a,6 In chostlichiv vrowenchleit
 871a,7 Ez wart nie vrowe gechleidet baz
 871a,8 Vf ein schoen pferd ich saz
- 872a,1 Ich reit da ich tyostiren sach
 872a,2 Da litten ritt’ vngemach
 872a,3 Mit reitt’lich arbeit
 872a,4 Vil manig’ vngemach da leit
 872a,5 Man tyostirte dort vn- hie
 872a,6 Vil manic schoen tyost ergie
 872a,7 Vf dem velde was grozer chrach
 872a,8 Vil drumzun man da vallen sach
- 873a,1 Da wart v’stochen vil manic sper
 873a,2 Waz sol ich iv sagen mer
 873a,3 Wan daz da was schoen ritt’spil .
 873a,4 Da wart getyostirte vil .
 873a,5 Vn- manic schoen tyost geriten
 873a,6 Mit chunst nach ritt’lichen siten
 873a,7 Da manic schoen puneiz geschach
 873a,8 Do min lip des gnuc gesach .

- 874a,1 Di ritt' ich ez lazzen bat .
 874a,2 Do zocht wir sa gar gegen d' stat
 874a,3 Min lip mit zuhten was gemeit
 874a,4 Ein ritt' sa do zu mir reit .
 874a,5 D' sprach "vil edeliv kuenegin
 874a,6 Iv hat enboten d' herre min
 874a,7 Von kuenringen min h' hademar
 874a,8 Er well iv dienen siniv iar
- 875a,1 Dar vmbe daz ir hie bitet sin
 875a,2 Vil hochgelobtiv kuenegin
 875a,3 biz daz sin lip gewapent sich
 875a,4 Des hiez er vrowe iuch biten mich
 875a,5 Daz er v'steche gegen iv ein sper
 875a,6 Noch hint daz ist des heldes ger
 875a,7 swaz iwer wille dar an si
 875a,8 Daz enbietet im vrowe wandels fri"
- 876a,1 Ich sprach "nu sagt h'n hademar
 876a,2 Daz min lip ist hint muede gar
 876a,3 Daz er daz durch sin fuoge tuo
 876a,4 Vn- sich enthalt vnz morgen fruo
 876a,5 Vn- wil er danne zehen sper
 876a,6 V'stechen gern ich in des wer
 876a,7 Ich weiz wol er ist so wolgemuot
 876a,8 Daz er z mit guotem willen tuot"
- 877a,1 Der bot sprach "edeliv kuenegin
 877a,2 Er sol z hint gern lazzen sin
 877a,3 Sit ir z im morgen sit bereit"
 877a,4 Da mit d' bote von mir reit
 877a,5 Vn- sagt h'm hademar
 877a,6 Swaz ich im enbot mit zuhten gar
 877a,7 Er sprach "ich han z wol fuer guot
 877a,8 Sit si ez morgen gerne tuot ."
- 878a,1 Da mit reit ich an minen gmach
 878a,2 Eine rede man do da von mir sprach
 878a,3 Div was mir h'tzenlichen leit
 878a,4 Man sprach "div kueneginne hat v'seit
 878a,5 H'n hademar ir tyoste hie
 878a,6 Daz tet si fuer war ritt' nie
 878a,7 Ich waen si z dar vmbe hat getan
 878a,8 Daz man des giht er minne die ma- ."
- 879a,1 Do div rede also verre quam
 879a,2 Daz si h' hadmar v'nam
 879a,3 Ir suelt fuer war geluben daz

- 879a,4 Er wart mir hertzzenlich gehaz
879a,5 Daz was doch ane die schulde min
879a,6 Er sprach “ez muz div kunegin
879a,7 Vmbe dise rede geligen nid”
879a,8 Des vleiz er sich vil sere sid’
- 880a,1 In min’ herberge was ich do
880a,2 Vn- het gemach min muot stunt ho
880a,3 Ein ritt’ chom zu mir zehant
880a,4 D’ iv von mir hie wirt genant
880a,5 Von kuenegesbrunne d’ bid’be man
880a,6 H’ engelschalc d’ nie gewan
880a,7 Deheinen vnritt’lichen muot
880a,8 Er het vor schanden sich behuot
- 881a,1 Der bid’be tet mir an d’ stunt
881a,2 Durch sine zuht vil heinlich kunt
881a,3 Daz mir h’ hadmar waer gehaz
881a,4 Vn- sagt mir rehte gar vmbe waz
881a,5 Er warnte des durch trivwe mich
881a,6 “H’ hademar d’ hat sich
881a,7 V’mezen tiwer er fuege iv leit
881a,8 Daz han ich iv durch gut geseit”
- 882a,1 Ich sprach “des mac wol w’den rat
882a,2 Swen er gegen mir geschaffen hat
882a,3 Mit hurt dem mac da schade geschehe-
882a,4 Als liht als mir daz laze ich sehen
882a,5 Swer mich mit hurt sol riten nid’
882a,6 Ich tribe min orsse gegen im hin wid’
882a,7 Also daz er liht an d’ zit
882a,8 Ze huffen mit mir nid’ leit”
- 883a,1 Doch danchte ich da dem bid’ben man
883a,2 Des warnens des er het getan
883a,3 Mich da mit schiet er von mir
883a,4 Ze ruwen was do al min gir
883a,5 Durch ruwe ich an dem bette lac
883a,6 biz daz mir chom d’ and’ tac
883a,7 Do chleit ich mich vn- reit vo- dan .
883a,8 Mit mir reit dan manic bid’be man .
- 884a,1 Ich het mich ab’ wol gechleit
884a,2 Gegen niwenburc min lip sa reit
884a,3 Veber di tuonowe fuor ich da
884a,4 Vn- reit enhalp ze niwenburc sa
884a,5 Da min wol hund’t ritt’ biten
884a,6 Die bid’ben schone gegen mir riten

- 884a,7 Si vlizen des mit willen sich
 884a,8 Daz si da schone enpfengen mich
- 885a,1 Ez was dannoch des morgens fruo
 885a,2 Mit ritt'schaft wir griffen zuo
 885a,3 Da wart ein schoene ritt'spil
 885a,4 D' ritt' was dar chomen vil .
 885a,5 Da von ich sin da fruo began
 885a,6 Da was vil manic bid'be man .
 885a,7 Da zimirt manig' wol den lip
 885a,8 Durch div vil reinen suezzen wip .
- 886a,1 Ich was ouch da gezimirt wol
 886a,2 Von reht ich iv nu sagen sol
 886a,3 Wer da des ersten mit mir stach
 886a,4 Her Gotfrit von totzenpach
 886a,5 Was genant d' bid'be man
 886a,6 Sin lip vntugende nie gewan
 886a,7 Er warp vmbe vrowen vmbevanc
 886a,8 Vil gutiv liet er von in sanc
- 887a,1 Dar nach von steutz h' vlich
 887a,2 Mit mir da tyostirt ritt'lich
 887a,3 Nach dem h' otte von ottenstein
 887a,4 Ein sper v'stach daz was niht chlein
 887a,5 Vf mir do chom d' starche man
 887a,6 Von chvowe vn- rande mich an
 887a,7 Sin sper er durch den schilt min stach
 887a,8 Daz man vil verre hort den chrach
- 888a,1 Von hakenb'c d' arge heinrich
 888a,2 Mit mir da stach vil lobelich
 888a,3 D' was an gute gar v'zagt
 888a,4 Vn- het iedoch sin lip beiagt
 888a,5 Mit ritt'schaft vil hohen pris
 888a,6 D' charge was an gute wis
 888a,7 Vn- was ouch manlichez h'tzen gar
 888a,8 Div beidiv sint von im war
- 889a,1 Ich nant s iv gar wol sund'lich
 889a,2 Die da mit mir vil ritt'lich
 889a,3 Stachen wan daz ich weiz wol
 889a,4 Daz man div maere chuerzen sol
 889a,5 Swa man mit fuge imm' chan .
 889a,6 Da was manic minne gernd' man
 889a,7 In vrowendienste schone chovmen
 889a,8 Die sach man sper mit dyoste drumen

890a,1 Des tages mit tyost mir daz geschach
890a,2 Daz man mir von dem hubet stach
890a,3 Fur war dri stunt den helm min
890a,4 Den ich mit snueren doch sidin
890a,5 Vf gebunden het vil wol
890a,6 Als man die helm binden sol
890a,7 Daz ich da von geneigt mich nie
890a,8 Des wundert iene dise vn- die

891a,1 Div ritt'schaft w't al den tac
891a,2 Daz niemen and's niht da pflac
891a,3 Wan tyostiren durch div wip
891a,4 Man vant da mueden ritt's lip
891a,5 Daz moht d' mine wol ein' sin
891a,6 Wan ich da durch die vrowen min
891a,7 Tyostirt vnz an den abent gar
891a,8 Des wart ich muede daz ist war

892a,1 Do ich wol vierzic sper v'stach
892a,2 Vn- daz h' hadmar ersach .
892a,3 Daz da von muede was min lip
892a,4 chranc fuer war als ein wip
892a,5 Do tet er ein vnhofsch dinc
892a,6 Er braht gegen mir sa vf den rinch
892a,7 Einen ritt' d' mich nid'
892a,8 Solde riten daz rov in sid' .

893a,1 Do man in gegen mir fueren sach
893a,2 Von chungesbrunne d' bid'be sprach
893a,3 H' engelschalc "vrowe chuenegin
893a,4 Seht ditz sol d' ritt' sin
893a,5 D' ivch sol nid' riten hie
893a,6 Ich gesach so groze vnfuge nie
893a,7 Bi minen ziten daz ist war
893a,8 Als si begat h' hademar"

894a,1 Ich sprach "des mac wol w'den rat
894a,2 Ob er mich hurtes niht erlat
894a,3 So lazze ich ivch daz wol gesehen
894a,4 Daz im hie schade mac geschehen
894a,5 Fuer war noch baz danne mir
894a,6 Daz suelt fuer war glauben ir
894a,7 Ir suelt fuer war wol wizzen daz
894a,8 Ich kan den puneiz riten baz"

895a,1 Im was gehaz gar min gedanc
895a,2 Den puneiz macht ich do lanc
895a,3 Do treip ouch er do gegen mir h'

- 895a,4 Ez was gegen im gar al min ger
 895a,5 Daz ich in choeme twerhes an
 895a,6 Ich chom ze twirhs an den man
 895a,7 Vn- traf in mit den rosse min
 895a,8 So daz da struchen must daz sin
- 896a,1 Ich chom mit hurt so an den man
 896a,2 Daz ich in von dem satel dan
 896a,3 Reit bousch vn- ouch den stegereif
 896a,4 Wan daz in ein sin vriunt begreif
 896a,5 Sa do d' hurt ergangen was
 896a,6 Er waere gevallen an daz gras
 896a,7 Von chuenringen h' hademar
 896a,8 braht einen andern satel dar
- 897a,1 Den leit man vf daz ros alda
 897a,2 Zwei andriv sper gab man vns sa
 897a,3 Ich daht also "ez muz nu sin
 897a,4 Daz nim ich uf die trivwe min
 897a,5 Wir muezez bede hie nid' ligen
 897a,6 Od' vns' ein' so gesigen .
 897a,7 Daz er die ere so fueret hin
 897a,8 Daz ist min muot vn- ouch min sin"
- 898a,1 Min orsse treip ich vil vaste dar
 898a,2 Do er an mir des wart gewar
 898a,3 Daz ich in mit hurt da wolde bestan
 898a,4 Do began so wichen mir d' man
 898a,5 Daz sin gespottet wart genuoc
 898a,6 Min orsse mich doch so zu im truoch
 898a,7 Daz ich im mit dem tyoste min
 898a,8 Stach von dem huobet den helm sin
- 899a,1 Ich sage iv wie d' biderbe hiez
 899a,2 D' da den hurt durch vorhte liez
 899a,3 Von busenberc was er genant
 899a,4 h' bope vn- het den muot gewant
 899a,5 In vrowendienst daz ist war
 899a,6 Den dient er gern siniv iar
 899a,7 Mit rehten triwen sund' wanc
 899a,8 Des sol er imm' haben danc .
- 900a,1 Nv was d' tac ouch nach z'gan
 900a,2 Do chom gegen mir ein hofsch' man
 900a,3 Von antschowe min h' ruedger
 900a,4 Sin wapenroch sin deche sin sper
 900a,5 was allez licht' varbe rot
 900a,6 Er het vmbe ere groze not

- 900a,7 In fremden landen ofte erliten
900a,8 Vn- manige schone tyost geriten
- 901a,1 Div naht den tac het gar v'swant
901a,2 Nach grozen liechten ich do sant
901a,3 D' chom mir vf daz velt gar vil
901a,4 Fuer war ich iv daz sagen wil
901a,5 Wir stachen bi des liehtes schin
901a,6 So gern dient ich d' vrowen min
901a,7 bi dem licht wir reht sehs sper
901a,8 V'stachen ich vn- her Ruedger
- 902a,1 In mine h'berge zogt ich sa
902a,2 Funf vnd drizic vingerl da
902a,3 Gab ich den vil lobelich
902a,4 Die si gedienten ritt'lich
902a,5 heten mit ir chunst also
902a,6 Daz da ir drumzun vlugen ho
902a,7 Den gab ich allen vingerlin
902a,8 Mit willen vz d' hende min
- 903a,1 Reht driv vn- vierzic sper
903a,2 Ich da v'stach vnhofsch ist er
903a,3 Sw' des giht vn- sin si niht
903a,4 Von des hant selten ez geschiht
903a,5 Da von er z niht glauben mac
903a,6 Ich het gestochen al den tac
903a,7 Vnz in die naht seht daz suelt ir
903a,8 Fur war wol glauben mir
- 904a,1 Ich het die naht da guot gemacht
904a,2 Des andern tages gegen mistelbach
904a,3 Ich zogt mit vreuden alzehant
904a,4 Da ich ouch vrowendienest vant
904a,5 Da wart getyostirt de s war vil
904a,6 Daz ich iv chuerzlich sagen wil
904a,7 Ich v'stach da zehen sper
904a,8 Vn- man uf mir da eines mer
- 905a,1 Einlef ritt'n hochgemuot
905a,2 Gab ich vingerlin div waren guot
905a,3 Si heten si gedienet wol
905a,4 Si waren hohes muotes vol
905a,5 Da mit fuor ich an min gemacht
905a,6 Die naht was ich ze mistelbach
905a,7 Des andern tages reit ich von dan
905a,8 Mit mir vil manic biderbe man

906a,1 Zwei hund't ritt' od' mer
906a,2 Mit mir danne riten mutes h' .
906a,3 Was vil manig' d' da reit
906a,4 Si waren ritt'lich gechleit
906a,5 Ich was ouch hohes muotes rich
906a,6 Die strazze zогt ich vil ritt'lich
906a,7 Div gegen velsperc da gie
906a,8 Da mich d' wirt vil wol enpfie

907a,1 Er was genant min h' cadolt
907a,2 Von velsperc man was im holt
907a,3 Von reht durch sine w'dicheit
907a,4 D' hochgemute gegen mir reit
907a,5 Mit vierzic ritt'n lobelich
907a,6 D' chleid' waren chosterich
907a,7 Von meist's handen wol gesniten
907a,8 Vil ritt'lich si gegen mir riten

908a,1 Ich wart von in enpfangen da
908a,2 Vil baz danne sit ofte and'swa
908a,3 D' wirt hiez mich mit senften siten
908a,4 Des vil zuehteclichen biten
908a,5 Daz ich da solde mit im sin
908a,6 Er sprach "ez sol div chuenegin
908a,7 Durch zuht ezzen hie min brot
908a,8 So gern ez ir nie wirt gebot"

909a,1 Ich hiez dem ere gernden sagen
909a,2 Daz er d' bet solt gar gedagen
909a,3 Wold ich h'berge von iemen nemen
909a,4 Div moeht mir von im wol gezemen
909a,5 Daz er ez het fuer vebel niht
909a,6 Ich naeme die vart von niemen niht
909a,7 Gar vmbe sus daz waere war
909a,8 Also groz als vmb ein har .

910a,1 Er sprach "vrowe ez sol geschehen
910a,2 Ich wil ivch lazzen vrowen sehen
910a,3 Von hoh' art guot vn- chlar
910a,4 In wibes zuhten wol gevar
910a,5 Die sehent ivch gern daz weiz ich wol
910a,6 Gegen iv ich ir geniezen sol
910a,7 So daz ir edeliv chuenegin
910a,8 Durch si geruechet hie bi mir sin"

911a,1 Ich sprach "ich wil die vrowen sehen
911a,2 Vil gern mag ez so geschehen
911a,3 Daz ir d' h'berge mich erlat

- 911a,4 Der wil ich von iv haben rat
 911a,5 Ze disen ziten daz ist also”
 911a,6 Des wart d’ bid’be man vnvro
 911a,7 Daz ich z im het so gar v’seit
 911a,8 In mine h’berge ich do reit
- 912a,1 Da vant ich ritt’lich gemach
 912a,2 Alzehant do daz geschach
 912a,3 Do chom fuer mine h’berge dar
 912a,4 Von liechtenstein min h’ dietmar
 912a,5 Gezimirt schon i- wapenchleit
 912a,6 Ez het d’ bid’be an sich geleit
 912a,7 Wapenchleit vil chosterich
 912a,8 Von lieht’ varwe wunnechlich
- 913a,1 Er hielt mit vfgeritem sper
 913a,2 Do chom gegen im min h’ wolfker
 913a,3 Von gors d’ chamerere min .
 913a,4 De s war d’ chund ouch niht gesin
 913a,5 Gezimirt baz denne er da was
 913a,6 Von tiwrerm manne nie munt gelas
 913a,7 Danne er was daz ist gar war
 913a,8 Des het er ere siniv iar
- 914a,1 Uon im nie bosheit wart v’nomen
 914a,2 Man sach in ritt’lichen chomen
 914a,3 Als einen man d’ tyoste gert
 914a,4 Des wart ouch er da wol gew’t
 914a,5 Do in sach chomen min h’ dietmar
 914a,6 Von lichtenstein do nam er war
 914a,7 Daz er den buneiz gegen im rit
 914a,8 So daz sin tyost in niht v’mit
- 915a,1 Ir beid’ tyost do geriet also
 915a,2 Daz da ir drumzen flugen ho
 915a,3 Von beiden spern wart da chrach
 915a,4 Die tyost manic schoene vrowe sach
 915a,5 Die sahen g’n daz ritt’spil
 915a,6 Sw’ vrowenlop v’dienen wil
 915a,7 Daz muz geschehen mit arbeit
 915a,8 In ist gemach an mannen leit
- 916a,1 Von disen beiden wart geriten
 916a,2 Manic schoen tyost nach rit’s siten
 916a,3 Do ich ir tyost da vil gesach
 916a,4 Min munt uz hohem mute sprach
 916a,5 “Hie mac niht mer gemaches sin
 916a,6 Nu bringe mir h’ daz harnasch min

- 916a,7 Ich mac ditz niht mer an gesehen
916a,8 Hie muz ouch tyost von mir geschehe-”
- 917a,1 Do hiez ich an d’ selben stunt
917a,2 Den ritt’n balde machen chunt
917a,3 Swes lip durch vrowen tyoste g’t
917a,4 Daz er d’ wurde von mir gewert
917a,5 An d’ stat manic bid’be man
917a,6 Gegen mir sich wapen do began
917a,7 Min lip wart ouch gezimirt sa
917a,8 De s war wol ritt’lichen da
- 918a,1 IN d’ stat wart veberal
918a,2 Do von vzzogen grozer schal
918a,3 Wir zogten vf daz velt zehant
918a,4 Da man schonez vrowendienest vant
918a,5 Den wart gedienet da also
918a,6 Daz sin da manig’ wart vnvro
918a,7 sin wart ouch manig’ hochgemuot
918a,8 Div beidiv vrowendienest tuot
- 919a,1 Nv was ouch uz ze velde chomen
919a,2 Ein ritt’ von dem man v’nomen
919a,3 Hat manige ritt’liche tat
919a,4 Vn- d’ den bris vil offte hat
919a,5 behalden swa man dienen sol
919a,6 Den vrowen den dient er so wol
919a,7 Daz er gedient ir habedanc
919a,8 Vn- eteslich’ vmbevanc
- 920a,1 Her sifrit weise d’ bid’be man
920a,2 Was genant d’ nie gewan
920a,3 Deheinen zagelichen muot
920a,4 Er was fuer war ein ritt’ guot
920a,5 Swa man nach hohem brise ranc
920a,6 Da wart im ie d’ habedanc
920a,7 Mit ritt’lich’ arbeit
920a,8 Het er v’dienet w’dicheit
- 921a,1 Gezimirt vf dem velde hielt
921a,2 D’ bid’be man d’ eren wiert
921a,3 Ez het d’ w’de wol bechant
921a,4 Ein grozez sper in siner hant
921a,5 Da mit wolt er tyostirens pflegen
921a,6 Do het ouch ich mich tyost bewegen
921a,7 Ich vn- d’ vil hochgemute man
921a,8 Vil balde einand’ randen an

- 922a,1 Der puneiz wart envollen lanc
 922a,2 D' sifrit weise des het gedanc .
 922a,3 Daz er da nid' staeche mich
 922a,4 Des selben gedaht ouch ich
 922a,5 Des wart div tyost da wol geriten
 922a,6 Vn- vaelen bedenthalp v'miten
 922a,7 Div tyost mit hurt also geschach
 922a,8 Daz man da schilt sper bresten sach
- 923a,1 Div tyost mit hurt also ergie
 923a,2 Daz beide schilt vn- beidiv chnie
 923a,3 Einand' rurten da ein teil
 923a,4 So daz div chnie von smerzen meil
 923a,5 Gewunnen vn- die schilt sich chluben
 923a,6 Die spreizel von den scheften flugen
 923a,7 Durch beidiv collir wart gebort
 923a,8 Vil witiv loch mit speres ort
- 924a,1 Alle die di tyost gesehen
 924a,2 da heten die hort man da iehen
 924a,3 Si waere vil ritt'lich ergan
 924a,4 Alzehant do rande mich an
 924a,5 Min h' berhtolt d' rebestoc
 924a,6 Des helm schilt deche vn- wapenroc
 924a,7 Was geschechet bla vn- golt
 924a,8 Sin lip het eren vil geholt
- 925a,1 Sin lip was ofte vmbe ere gast
 925a,2 sin sper vf minem helme brast
 925a,3 So daz d' helm luote erchlanc
 925a,4 D' tyost must man im wizzen danc
 925a,5 Ouch fuort d' hochgemute man
 925a,6 Min sper in sinem schilde dan
 925a,7 Da schilt vn- helme zesamen gie
 925a,8 Min sper da in dem schilde hie
- 926a,1 Dar nach v'stach ich zweinzic sper
 926a,2 Vil ritt'lich vn- eines mer
 926a,3 Daz eine also v'stochen wart
 926a,4 Daz sin schoene tyostlich vart
 926a,5 Da schaden tet ich sage iv wie
 926a,6 Da mit ein schoniv tyost ergie
 926a,7 Die ich iedoch niht gern sach
 926a,8 Nu merchet reht wie div geschach
- 927a,1 Ich het in mine hant genomen
 927a,2 Ein starchez sper do sach ich chomen
 927a,3 Von purstendorf hern Rupreht

- 927a,4 Gegen mir h' do was min reht
 927a,5 Daz ich ouch tribe gegen im dar
 927a,6 Ich stach im durch sin harnasch gar
 927a,7 Vn- durch den hals die lanzen min
 927a,8 Da von sin lip must vallende sin
- 928a,1 Hind' daz orsse er verre viel
 928a,2 Daz bluot vz siner wunden wiel
 928a,3 So daz daz gras wart vaste rot
 928a,4 Man want des wol daz er waer tot
 928a,5 Daz was mir h'tzenlichen leit
 928a,6 Von leide ich abe dem velde reit
 928a,7 In die h'berge trurichlich
 928a,8 Min lip was vnmuotes rich .
- 929a,1 Iedoch genas d' biderbe man
 929a,2 Des andern morgens vruo von dan
 929a,3 Wolt ich vil gern sin geriten
 929a,4 Do hiez mich zuhteclichen biten
 929a,5 D' wirt des lip ie ere holt
 929a,6 Von velsperc min h' cadolt
 929a,7 Daz ich da sehe durch hofschen muot
 929a,8 Sin wip vn- manic vrowen guot
- 930a,1 Ich sprach "daz sol durch in geschehen
 930a,2 Ich wil die vrowen gerne sehen
 930a,3 Ez muz durch zuht mir wol gezemen
 930a,4 Ich wil hilt messe bi in v'nemen"
 930a,5 Des wart d' bote von h'tzen vro
 930a,6 Alzehant er sagte do
 930a,7 Dem wirt daz ich wolde dar
 930a,8 Des freuten sich die vrowen gar
- 931a,1 Ez wart von in manic schone chleit
 931a,2 Gegen mir ze vlize sa an geleit
 931a,3 Do chleit ouch mich schone da
 931a,4 Vn- reit in hohem muote sa
 931a,5 Vf die burch da enpfie man mich
 931a,6 Villichlich des dancht ouch ich
 931a,7 Mit zuehten als daz schone zam
 931a,8 Ir gruoze ich willechlich v'nam
- 932a,1 Der wirt mich da vil wol enpfie
 932a,2 Sin wip div husvrowe da gein mir gie
 932a,3 Mit vrowen vil ein stiege ze tal .
 932a,4 D' chleid' vielen manigen val
 932a,5 Abe d' stiege her nach dem trit
 932a,6 Ir guot gebende ir senft' sit

- 932a,7 Vn- ouch ir minneclich' schin
 932a,8 Tet mir wol in dem h'tzen min
- 933a,1 Do ich si sach her gegen mir gen
 933a,2 Ich wolt durch zuht niht lang' sten
 933a,3 Ich gie vil blide gegen in dar
 933a,4 Des smielten al die vrowen gar
 933a,5 Daz ich ez also blide an vie
 933a,6 Vn- ouch in wibes chleidern gie
 933a,7 Vn- also schoene zoepfe truch
 933a,8 Des wart gelachet da genuoc
- 934a,1 Div husvrowe sprach "vrowe kuenegin
 934a,2 Ir suelt mir willechomen sin"
 934a,3 Des neig ich ir mit zuechten da
 934a,4 Die vrowen gar mich gruzten sa
 934a,5 Ir einer ich min chussen bot
 934a,6 Div wart da von gar rosenrot
 934a,7 Ein' and'n ich z do truoc
 934a,8 Div wart vor scham ouch rot genuoc
- 935a,1 Div husfrowe nam mich bi d' hant
 935a,2 si wiste mich von danne zehant
 935a,3 In eine kirchen wol getan
 935a,4 Ein schoene messe hub man do an
 935a,5 Die man da got ze eren sanc
 935a,6 bi mir von vrowen was gedranc
 935a,7 Fuer war ich iv daz sagen wil
 935a,8 Got wart gedienet da niht vil .
- 936a,1 Mich het da nach d' minne stric
 936a,2 Gevangen vn- manic suzzer blic
 936a,3 D' da von liechten ougen gie
 936a,4 Daz mich div minne da niht vie
 936a,5 Daz wande niht wan div staete min
 936a,6 Solde ich gevangen imm' sin
 936a,7 Daz het ein vrowe alda getan
 936a,8 Het mich min staete si vahn lan
- 937a,1 Der guot gebaerde ir lieht' schin
 937a,2 brach vaste durch div ougen min
 937a,3 Mir vntz in des herzzen grunt
 937a,4 Ir rosenvarwen roten munt
 937a,5 Do ich den gegen mir lachen sach
 937a,6 Vn- er gegen mir so suoze sprach
 937a,7 Vn- waere min staete mir do niht chome-
 937a,8 Si hete die sinne mir benomen

938a,1 Do ich si an von h'tzen sach
 938a,2 Div staete min sa zu mir sprach
 938a,3 "Wie nu wie nu waz sol daz sin
 938a,4 Wem wil du lan di vrowen din
 938a,5 An d' nach got din leben stat
 938a,6 Vn- div vil manige tugende hat
 938a,7 Tu hin din muot ist gar enwiht
 938a,8 Ich gestate dir soelher dinge niht"

939a,1 Do min staete mich straft also
 939a,2 Daz h'tze min wart gar vnfro
 939a,3 Daz mir d' wanc was da geschehen
 939a,4 Ich gedaht "ich wil niht m' an sehen
 939a,5 Ditze wunnechliche wip
 939a,6 Si hat so minnechlichen lip
 939a,7 Wolde ich si lange sehen an
 939a,8 des muest min staete schaden han"

940a,1 Ich warf div ougen sa von ir
 940a,2 Vn- gedaht vil hertenlichen mir
 940a,3 "Ia h're wes het ich gedaht
 940a,4 het mich also in zwivel braht
 940a,5 Dirre vrowen lieht' schin
 940a,6 Gegen d' vil lieben vrowen min
 940a,7 So waere vnбилde an mir geschehen
 940a,8 Ich wil si so vast niht m' an sehen

941a,1 Da sint min ougen schuldic an
 941a,2 Do si mich sach so guetlich an
 941a,3 Vn- ich erblichte ir roten munt
 941a,4 Div ougen min sa an d' stunt
 941a,5 Sa liezen ir vil liechten schin
 941a,6 Enmitten in daz h'tze min
 941a,7 Nu en ruche des sol niht m' geschehen
 941a,8 Ich laz ez niht m' so vrilich sehen

942a,1 Ich sihe wol wolde folgende sin
 942a,2 Min h'tze nach den ougen min
 942a,3 Si rieten im villiht daz
 942a,4 Da von ich imm' muste haz
 942a,5 In beiden an min ende tragen
 942a,6 Wie solde ich hohen lon beiagen
 942a,7 Wolde ich den ougen volgen nach
 942a,8 Sit in mit sehen ist so gach"

943a,1 Min lip hie in gedanchen stunt
 943a,2 Gar sinnelos als die tunt
 943a,3 Die an div wip v'denchent sich

- 943a,4 Als het ouch ich v'daht da mich
 943a,5 Daz ich niht weste wa ich was
 943a,6 biz daz man daz ewangelie las
 943a,7 Do daz ein and' pfaffe hub an
 943a,8 Da von alrerst ich mich v'san
- 944a,1 Man sach da manic schoene vrowe- sten
 944a,2 Do ich ze dem opfer wolde gen
 944a,3 Die husfrowen hiez ich fuer mich gan
 944a,4 Si sprach "des sult ir mich erlan
 944a,5 War choemen danne die zuehte min
 944a,6 Gienge ich vor ein' chuengin
 944a,7 Daz waere an eren mir niht guot
 944a,8 Ir suelt sin haben deheinen muot"
- 945a,1 Ich gie ze dem opfer schone sa
 945a,2 Nach mir gie vil manic vrowe da
 945a,3 Daz ich den ganc so blide an vie
 945a,4 Des wart gelachet dort vn- hie
 945a,5 Min nigen vn- min vmbeswanc
 945a,6 Div wurden da envollen lanc
 945a,7 Ich gie nach blid' vrowe- sit
 945a,8 Chum hende breit was da min trit
- 946a,1 Swie seine ich gie swie sanfte ich trat
 946a,2 Ich chom doch wid' an die stat
 946a,3 Da e gestanden was min lip
 946a,4 bi mir stunt da manic schone wip
 946a,5 Die waren minneclich gevar
 946a,6 Do truoc man mir daz paece dar
 946a,7 An einem buoche daz was guot
 946a,8 Daz nam ich als manic vrowe tuot
- 947a,1 Do ich daz paece alda enpfie
 947a,2 Ich bot ez dort ich bot ez hie
 947a,3 Ich bot ez da manic vrowen an
 947a,4 D' ez deheiniv wol enpfan
 947a,5 Ich bot ez d' schoenen willeclich
 947a,6 Do sprach div reine tugende rich
 947a,7 "Ir suelt des paece mich erlan
 947a,8 Sit man ivch hat fuer einen man"
- 948a,1 Div messe do schier endet sich
 948a,2 Do sach man vrlubes gern mich
 948a,3 D' wirt vn- ouch div husvrowe sa
 948a,4 Die baten mich enpizen da
 948a,5 Ich sprach "ich wold ivch g'n gew'en
 948a,6 Sit ich s ivch sihe mit zuhten g'n

- 948a,7 Wan daz ez hat div staete min
948a,8 V'lobt da von mag ez niht sin"
- 949a,1 Ich sprach "ich han so dise vart
949a,2 Gevarn daz ich daz han bewart
949a,3 Daz mir hab iemen iht gegeben
949a,4 Wan si d' ich wil imm' leben
949a,5 Div hat mir gegeben hohen muot
949a,6 Si ist mir fuer vngemuete guot
949a,7 Von ir min muot vil hohe stat
949a,8 Da von si minen dienst hat"
- 950a,1 Do nam ich urluop an d' stunt
950a,2 Mich segent da manic suezz' munt
950a,3 Si sprachen alle "vrowe chuenegin
950a,4 Got lazze ivch imm' saelic sin
950a,5 Swar iwer lip von hinnen var
950a,6 Daz ivch d' riche christ bewar"
950a,7 Sus schiet ich von den vrowen dan
950a,8 Reht als ein hochgemut' man
- 951a,1 Do reit ich in die h'berge min
951a,2 Vn- sant den ritt'n ving'lin
951a,3 D' drumzen man ze velde vant
951a,4 Vn- d' tyost het sper v'swant
951a,5 D' waren zweinzic daz ist war
951a,6 Zwei vn- zweinzic sper ich gar
951a,7 Alda v'stach daz ist also
951a,8 Min lip was mines gelueches vro
- 952a,1 Min lip da chuerzlich wol enpeiz
952a,2 Dar nach ich mich mit willen vleiz
952a,3 Daz ich da schone rit von dan .
952a,4 Ein nivwe capen leit ich an
952a,5 Dar zuo ein nivwez rochelin
952a,6 Do bat ich daz gesinde min
952a,7 Daz si schone riten durch die stat
952a,8 Si taten reht als ich si bat
- 953a,1 Vber die thye zagt ich zehant
953a,2 Mit freuden in d' beheim lant
953a,3 Da stunt ein owe wunnechlich
953a,4 Dar ein reit ich vil muotes rich
953a,5 Vn- hiez da offenbaere sagen
953a,6 sw' da wolde bris durch wip beiagen
953a,7 Daz d' vil balde wapent sich
953a,8 Do wapent ouch ich balde mich

954a,1 Div minen wizzen wapenchleit
 954a,2 Het ich da schier an mich geleit
 954a,3 Vn- stapfte gezimirt fuer daz holz
 954a,4 Da mich bestunt ein ritt' stolz
 954a,5 Von schoenen chirchen otte er hiez
 954a,6 D' bid'be man des niht liez
 954a,7 Do er mich sach sus gegen im chomen
 954a,8 Ez wuerde sin orsse mit sporn genome-

955a,1 Daz treip er vaste gegen mir her
 955a,2 Er furt ein wol gewaschen sper
 955a,3 Daz sluog er vnd' den armen sin
 955a,4 Als tet ouch ich zehant daz min
 955a,5 Von beiden spern wart da chrach
 955a,6 Die drumzen man vaste stecken sach
 955a,7 In den schilden dort vn- hie
 955a,8 Div tyost vil ritt'lich ergie

956a,1 Der ritt' was ze velde chomen
 956a,2 Wol hund't als ich han v'nomen
 956a,3 Gezimirt alle ritt'lich
 956a,4 "Weich a h're weich a weich
 956a,5 Lat hie tyostiren durch div wip
 956a,6 Vil manigen bid'ben ritt's lip"
 956a,7 Si gahten vaste h' gegen mir
 956a,8 Do het ouch ich ze tyoste gir

957a,1 Ich gert alsam ein ved'spil
 957a,2 D' ritt' chom da gegen mir vil
 957a,3 Ich het durch vrowen tyoste gir
 957a,4 Des wart da wol gebuezet mir
 957a,5 Ir h'tze het ouch ze tyoste ger
 957a,6 Si triben vaste gegen mir her
 957a,7 Vil ofte ir dri da gegen mir riten
 957a,8 Daz waer durch zuht baz v'miten

958a,1 Des tages manic tyost geschach
 958a,2 Gege- mir daz ich si nie gesach
 958a,3 Daz ir dri ofte gegen mir riten
 958a,4 Daz chom da von die bid'ben striten
 958a,5 Vil vaste vmb die tyost gein mir
 958a,6 Ez wart des tages vil manic banir
 958a,7 Vf mir enzwei gestochen so
 958a,8 Daz da ir drumzen flugen ho

959a,1 Do ich da funfzehen sper v'stach
 959a,2 Do cham d' vogt von lengenbach
 959a,3 D' tumvogt so was er genant

- 959a,4 Von sinen tugenden wite erchant
 959a,5 Er chom vil schone gegen mir h'
 959a,6 Vnser ietwederre da sin sper
 959a,7 V'stach vil ritt'lichen wol
 959a,8 D' tumvogt d' was tugende vol
- 960a,1 Daz wart in manigen landen schin
 960a,2 Do er v'stach da daz sper sin
 960a,3 Den helm er zehant abe bant
 960a,4 Er reit da er mich haldent vant
 960a,5 Ich hielt mit uf geworfem sper
 960a,6 Er sprach "ich statte iv ditz niht m'
 960a,7 Niemen so starchen lip getruoc
 960a,8 Er het gestochen nu genuoc"
- 961a,1 Er zuemt mich bi dem zuome dan
 961a,2 Den bat ich mir vil ofte lan
 961a,3 "Ich en lazz ez iv niht" so sprach er
 961a,4 Er brach mir uz d' hant daz sper
 961a,5 Er sprach "vil edeliv chuenegin
 961a,6 Ir suelt iwer tyostiren lazen sin
 961a,7 Durch iwer vrowen ich ivch bit"
 961a,8 Do liez ich ez mit senftem sit
- 962a,1 Den schilt gab ich do von d' hant
 962a,2 Den helm ich von dem hubet bant
 962a,3 Den stovchen von dem roechelin
 962a,4 Warf ich da vber daz hubet min
 962a,5 Dar durch ich doch vil wol gesach
 962a,6 Swa vf dem velde da tyost geschach
 962a,7 Da wart manic schoene tyost geriten
 962a,8 Mit chunst nach ritt'lichen siten
- 963a,1 Man hort da allenthalben chrach
 963a,2 Von grozen spern daz geschach
 963a,3 Da ruoft vil manig' "h' a her"
 963a,4 Da vordert ouch vil manig' sper
 963a,5 Die helm man da vaste bant
 963a,6 Da nam manic ritt' schilt zehant
 963a,7 Sus wurden si vmbe w'dicheit
 963a,8 Mit ritt'lich' arbeit
- 964a,1 Fur war ich iv daz sagen wil
 964a,2 Sper schilt helm gelac da vil
 964a,3 Vf dem velde hie vn- dort
 964a,4 Wart loch durch helm mit tyost gebort
 964a,5 Von d' edelen ritt' hant
 964a,6 Eteslichen tyostirer man vant

- 964a,7 Gevallen vf daz gruene gras
964a,8 D' des vil vngewon e was
- 965a,1 Ich wene wol den waere daz leit
965a,2 Wan swa d' man vmbe w'dicheit
965a,3 Wirbet vn- im missegat
965a,4 Des hochgemuet ein ende hat
965a,5 Swem wol gelinget d' ist vro
965a,6 Vmb ritt'schaft stat ez also
965a,7 Hivt liep morgen leit
965a,8 Div beidiv sint in bereit
- 966a,1 Do man da vil vor mir gestach
966a,2 D' tumvogt sa do zu mir sprach
966a,3 "Vrowe vil edeliv kuenegin
966a,4 Ir suelt niht lang' bi vns sin
966a,5 Sit iwer vart ist wol volbraht
966a,6 So vart reht als ir habt gedaht
966a,7 Lat iwer gesinde mit mir varn
966a,8 Daz wil ich iv vil wol bewarn"
- 967a,1 Ich fuor als mir d' bid'be riet
967a,2 Ich sage iv wie ich danne schiet
967a,3 Ich gab da nivnzehen ving'lin hin
967a,4 Dar nach zogt d' lip min
967a,5 In daz holz da entwapent ich
967a,6 De s war vil snellichen mich
967a,7 Von minem gesinde ich urlup nam
967a,8 Vil minnechlich als mir daz za-
- 968a,1 Vorholn reit ich sa von dan
968a,2 Mit mir reit niemen wan ein ma-
968a,3 D' was des tumvogtes chneht
968a,4 Er was mir holt mit trivwe- sleht
968a,5 Er hiez von vronhoven chol
968a,6 Er chunde die strazze gar alle wol
968a,7 Gegen wienen durch daz lant
968a,8 Die waren im alle wol bekant
- 969a,1 Vil balde ich hin ze wienen quam
969a,2 Ein h'berge ich v'holn nam
969a,3 Dar inne was ich dri tage
969a,4 Nu mercket reht waz ich iv sage
969a,5 In d' zit wart mir bereit
969a,6 Funfzic ritt'n wapenchleit
969a,7 Gesniten de s war meist'lich
969a,8 Si waren hoher choste rich

- 970a,1 Do ich mich hie bereitent lac
 970a,2 Nu horet wes min gesinde pflac
 970a,3 Do ich dort chom von in geriten
 970a,4 Min chamerere mit hofschen siten
 970a,5 Nam alzehant div driv pferde min
 970a,6 Cappen vn- div rochelin .
 970a,7 Vf div pferde er ez sa leit
 970a,8 Vn- swaz dar zu hort vrowe-chleit

 971a,1 Vz d' owe er z fuort zehant
 971a,2 Hin da er manigen ritt' vant
 971a,3 Die riten schone gegen im dar
 971a,4 Vn- namen min da alle war
 971a,5 Do mich da ir dehein' vant
 971a,6 Vn- daz si sahen min gewant
 971a,7 Da ligen uf den pferden min
 971a,8 Si sprachen "war ist div kuenegin

 972a,1 Vvar ist si chomen ia h're war"
 972a,2 Die ritt' chomen alle dar
 972a,3 Da sprach d' cham'ere min
 972a,4 "Ez hat min vrowe div chuenegin
 972a,5 Dez s war vil vebel an mir getan
 972a,6 Si hat mich also hie v'lan
 972a,7 Daz ich niht weiz war si ist chomen
 972a,8 Des ist mir vreuden vil benomen

 973a,1 Disiv pferd vn- disiv chleit
 973a,2 Hat si hie lan daz ist mir leit
 973a,3 Ich n weiz waz ich hie mit tuo
 973a,4 Da sult ir alle raten zu
 973a,5 Fuer ich z von hinne daz ist missetan
 973a,6 Sol ab' ich ez hie v'lan
 973a,7 So ratet wem od' wie
 973a,8 Des volge ich iv gar allez hie"

 974a,1 Do sprach d' tumvogt hochgemuot
 974a,2 "Chnappe chluc mich dunket guot
 974a,3 Daz ir ez hie den warnden gebet
 974a,4 Vn- schone in hohem muote lebet
 974a,5 Iwer vrowe wol and' guot beiagt
 974a,6 Ist si so rich als man vns sagt
 974a,7 Vn- als man an ir choste siht
 974a,8 So schadet ir div gabe niht"

 1522a,1 Von missowe d' bid'be man
 1522a,2 fvort alsoelich zimirde an
 1522a,3 Daz sin dem keiser waer genuch

1522a,4 Vf sinem helme d' bid'be truch
1522a,5 Einen chrantz von gansved'n groz vn- weiz .
1522a,6 Sin helme geworht wol mit fliz
1522a,7 Sin schilt was gar von golde rot
1522a,8 Als im sin hoher muot gebot

1523a,1 Dar vf ein einhuerne zobever
1523a,2 Sin wapenroch sin deche gar
1523a,3 Waren vil guot paltekin
1523a,4 Dar vf sach man gestreut ouch sin
1523a,5 Einhuerne vil nach zobelvar
1523a,6 Sin banir was gevar fuer war
1523a,7 Rehte dem schilde gelich getan
1523a,8 Sus chom dort h' d' bid'be man

1524a,1 Do chom gegen im da h' Gawan
1524a,2 Von liechtenstein d' fuort ouch an
1524a,3 Gezimir daz gab liechten schin
1524a,4 D' fuort uf dem helme sin
1524a,5 Ein wael von golde geortert wol
1524a,6 Islich ort pfansved'n vol
1524a,7 bewunden was in choste wis
1524a,8 D' werde het vil hohen pris

1525a,1 Der bid'be was d' prud' min
1525a,2 Des fuort er fuer war den schilt sin
1525a,3 Dem minen reht gelich gevar
1525a,4 D' schilt was wiz zwo swarze bar
1525a,5 Schipfes nach dem swert ze tal
1525a,6 Dar vf ein puchel von golde wal
1525a,7 Was gemachet meist'lich .
1525a,8 Sus furt den schil d' muotes rich

1526a,1 Sin wapenroch sin deche was
1526a,2 Von sameit gruen alsam ein gras
1526a,3 Dar vf d' schilde vil gestreut
1526a,4 D' hochgemuot sich vaste freut
1526a,5 Eins starchen spers daz er fuort
1526a,6 Daz orsse mit sporn er vaste ruort
1526a,7 Sin puneiz wart envollen lanch
1526a,8 Nach vrowenlone d' bid'be ranch

1527a,1 Do chom ouch ritt'lichen her
1527a,2 h' otte von missowe beidiv sper
1527a,3 Wurden da enzwei geriten
1527a,4 Mit chunst nach ritt'lichen siten
1527a,5 An beiden helsen daz geschach
1527a,6 Die drumzen man uf vliegen sach

- 1527a,7 Div tyost muost da dunchen guot
1527a,8 Vil manigen ritt' hochgemuot
- 1528a,1 Dar nach chom in den rinch gerant
1528a,2 Gezimirt schone sa zehant
1528a,3 Ahtzehen ritt' ritt'lich
1528a,4 "Wich a h're wich a weich
1528a,5 Weichet lat tyostirens pflegen"
1528a,6 Da het ouch sich d' tyost bewegen
1528a,7 In hohem muote an d' stet
1528a,8 Von spiegelb'ch h' lanzilet
- 1529a,1 Von landesere h' ywan
1529a,2 H' lanzilet vn- h' Gawan
1529a,3 Die taten ez des abendes so
1529a,4 Da von ir lop must stigen ho
1529a,5 Si werten den rinch daz ist war
1529a,6 Den abent al den ritt'en gar
1529a,7 Da wart manic schoene tyost geriten
1529a,8 Sus vn- so nach ritt's siten
- 1530a,1 Daz triben si biz daz div naht
1530a,2 Den tac v'treip da mit ir maht
1530a,3 Da must wir rovmen da daz velt
1530a,4 Wir furen sa in div gezelt
1530a,5 Di andern furen in die stat
1530a,6 Vz hohem muote ich si do bat
1530a,7 Daz si des morgens chomen fruo
1530a,8 Daz lobten si mit willen do
- 1531a,1 Her chadolt wise d' sprach do
1531a,2 Vil gar v'holn zu mir so
1531a,3 "Chunic artus ir sult mich weren
1531a,4 Des ich durch dienst wil an ivch g'n
1531a,5 Daz ir mit mir iwer erstes sper
1531a,6 morgen hie v'stechet daz ist min ger
1531a,7 Ir suelt mich des geniezen lan
1531a,8 Daz iv min dienst ist vnd'tan"
- 1532a,1 Ich sprach "h' wise ir sit so wert
1532a,2 Swez ir mit bet hie an mich gert
1532a,3 Des solde ich ivch vil gerne biten
1532a,4 Ir habt so vil durch ere erliten
1532a,5 Daz ich iuch morgen mit den spern
1532a,6 Des ersten wil bestan vil g'n .
1532a,7 Nu chomt ot fru daz ist min bet"
1532a,8 Sus schiet er von mir an d' stet

1533a,1 Div naht gemachlich ende nam
1533a,2 Sa do d' and' tach bequam
1533a,3 Ein schoene messe man do sanch
1533a,4 Ze eren gote . dar nach vnlanch
1533a,5 Sach man den weisen zogen her
1533a,6 Man furt im mit manich starches sper
1533a,7 Gezimirt was d' bid'be man
1533a,8 Als ich iv wol gesagen chan

1534a,1 Sin helm was licht alsam ein glas
1534a,2 Dar vmb von drizehen ved'n was
1534a,3 Gestozen ein vil witer chrantz .
1534a,4 Mit silb'pletern glantz
1534a,5 Was gemachet dar an vil
1534a,6 Gebunden was an islich chil
1534a,7 Von pfansved'n ein choste groz
1534a,8 Sus furt den helm d' schanden bloz

1535a,1 Sin schilt was swartz nach zobel var
1535a,2 Dar vf ein Leo von silb' gar
1535a,3 Was geslagen meist'lich
1535a,4 Des chone was von golde rich
1535a,5 Div lac gar edeler steine vol
1535a,6 Ein samit was swartz alsam ein chol
1535a,7 Was sin wapenroch fuer war
1535a,8 Gehuowen meist'lichen gar

1536a,1 Levwen von silb' was dr uf vil
1536a,2 Gestreut fuer war ich iv daz wil
1536a,3 sagen div deche was sam gevar
1536a,4 Vn- ouch vil wol gehovwen gar
1536a,5 D' bid'be fuort ein starchez sper
1536a,6 Dar an ein banir gein mir her
1536a,7 Div was alsam sein schilt getan
1536a,8 Sus chom gein mir d' bid'be man

1537a,1 Ich sage iv daz da mit im reit
1537a,2 Der eren bot div schoene meit
1537a,3 Si het im in die hant gegeben
1537a,4 Die banir guot er dient sin leben
1537a,5 Den frowen vmbe ir habedanch
1537a,6 Wart im niht svezer vmbevanch
1537a,7 Daz was von vrowen missetan
1537a,8 Wan er nie valsch gein in gewan

1538a,1 Ir suelt fuer war geluben daz
1538a,2 Wol . sibenzich ritt' od' baz
1538a,3 riten gezimirt mit im her

1538a,4 Den fuort man mit manich starches sper
 1538a,5 Do was ouch ich in den rinch bechom-
 1538a,6 Ein starches sper ich het genom- .
 1538a,7 Ich was alda gezimirt so
 1538a,8 Daz man min was ze sehen vro

1539a,1 Nv het ouch sich vaste fuer genom-
 1539a,2 h' chadolt wise man sach vns chom-
 1539a,3 Mit d' tyost zesamen so
 1539a,4 Daz da die drumzen flugen ho
 1539a,5 Ich stach im von dem halse sin
 1539a,6 Daz chollir . Daz d' helm min .
 1539a,7 Von siner tyost vil luote erchla-ch
 1539a,8 D' tyost must man mir wizzen danch

1540a,1 Div tyost so nahen wart geriten
 1540a,2 Daz niemen wande daz v'miten
 1540a,3 Waer da div hurt d' schilde stoz
 1540a,4 Wart von vns beiden da so groz
 1540a,5 Daz ez vber al daz velt erhal
 1540a,6 Div tyost was da geriten wol
 1540a,7 Man hort fuer war di bid'ben iehen
 1540a,8 Daz schon' tyost nie wart gesehen

1541a,1 Do nam ich sa ein and' sper
 1541a,2 Do reit gegen mir vil balde her
 1541a,3 D' eren bot div schone maget
 1541a,4 Si sprach zu mir "iv si gesaget
 1541a,5 D' weise mac niht gestechen me
 1541a,6 Im tuot div zeswiv hant vil we
 1541a,7 Sin duome ist im vz dem lide sin
 1541a,8 Daz habt fuer war chuenich h're min"

1542a,1 Ich sprach "nv wizzet schoniv meit
 1542a,2 Ez ist mir h'tzenlichen leit"
 1542a,3 Da mit reit ich fuerbaz
 1542a,4 Vast in den rinch gelubet daz
 1542a,5 Da mich bestunt manic bid'be man
 1542a,6 Von den wart ez da wol getan
 1542a,7 Vil drumzen man uf vliegen sach
 1542a,8 Mit tyost man starchiv sper zebrach

1543a,1 Ob ich s iv nant gar sund'lich
 1543a,2 Di mit mir da vil ritt'lich
 1543a,3 stachen d' deuht ivch ze vil
 1543a,4 Da vol ich ez v'swigen wil
 1543a,5 Ich tet ot swaz ich mohte da
 1543a,6 Do riten zu mir balde sa

- 1543a,7 h' parcifal . vn- h' Gawan
1543a,8 h' yban vn- ouch h' tristram
- 1544a,1 Islich' sprach do "h're min
1544a,2 Wie nu wie waz sol daz sin
1544a,3 Sol niemen stechen hie wan ir
1544a,4 So sagt vns reht war vmbe wir
1544a,5 Sin mit iv bechomen her
1544a,6 Welt ir v'stechen gar div sper
1544a,7 Aleine daz ist missetan
1544a,8 Ir suelt vns ouch stechen lan"
- 1545a,1 Si brachen mir do sa zehant
1545a,2 Den schilt in zorn von d' hant
1545a,3 Vn- bunden mir den helm abe
1545a,4 Mit zornechlich' vnghebe
1545a,5 Vn- sprachen "chuenich iv si geseit
1545a,6 Ez si iv liep od' ez si iv leit
1545a,7 Ia v'stechet ir talanch mer
1545a,8 Mit iwer hant fuer war chein sper"
- 1546a,1 Ich sprach "ich wil ez gern lan
1546a,2 So bindet helm vf h' tristram
1546a,3 h' parcifal vn- h' Ruth'
1546a,4 Ich weiz wol ir bestuent ein h'
1546a,5 Doch nemt zu iv h'n lanzilet
1546a,6 Vn- h'n ereck daz ist min bet
1546a,7 Daz segramurs ouch mit iv var
1546a,8 Ich wil daz ivch sehse got bewar"
- 1547a,1 Des vrlubes waren s hochgemuot
1547a,2 Wan ir muot was uf ere guot
1547a,3 Di helm bunden si vf zehant
1547a,4 Hei waz man schoener tyoste vant
1547a,5 Man hort da niht wan chrach a chrach
1547a,6 Manich ritt'lich tyost geschach
1547a,7 Vf dem velde dort vn- hie
1547a,8 Hurta hurta wie ez da gie
- 1548a,1 Von tulbinge min h' erech
1548a,2 Was fuer war da des tages quech
1548a,3 Er tet ez mit dem libe also
1548a,4 Da von sin lop muost stigen ho
1548a,5 Er v'stach fuenfzehen sper
1548a,6 Des tages da vn- fuer war mer
1548a,7 Des tages da d' eren g'nde man .
1548a,8 Von reht d' bid'ben lop gewan

- 1549a,1 Her segramurs von arnstein
1549a,2 V'stach da sper vil gar vnhleine
1549a,3 Si waren vollechlichen groz
1549a,4 Des er an manig' tyost genoz
1549a,5 Wan man da von im gern reit
1549a,6 Vil willechlich man in meit
1549a,7 Fuer war ich iv daz sagen wil
1549a,8 Daz er doch swante waldes vil
- 1550a,1 Her lanzilet von spiegelb'ch
1550a,2 D' tet da vil ritt'lichiv werch
1550a,3 Er was ein ritt' hochgemuot
1550a,4 Des wart manic tyost da von im guot
1550a,5 Er was d' vrowen dienstman
1550a,6 Des het er z ofte wol getan
1550a,7 Des tages vnmuezich man in sach
1550a,8 Sin hant vil starch' sper v'stach
- 1551a,1 Von lebenb'ch min h' tristrum
1551a,2 Des tages mit arbeit lop gewan
1551a,3 Ir sult fuer war gelauben daz
1551a,4 Ez tet des tages da niemen baz
1551a,5 Er schoevht wed' ienen noch disen
1551a,6 Vn- waern ez alle gewesen risen
1551a,7 Er het s alleine wol bestan
1551a,8 Dem tet geliche d' bid'be man
- 1552a,1 Von lindeniz d' vil w'de Eyth'
1552a,2 het ein hant div hiez sperv'zer
1552a,3 Des tages d' sper si vil v'zert
1552a,4 Wan er den rinch mit tyoste wert
1552a,5 Ein ritt' d' hiez h' rimbot
1552a,6 Von metters d' muost liden spot
1552a,7 In stach da nid' h' eyth'
1552a,8 Mit ein' tyost gar sund' wer
- 1553a,1 Von luentz min h' parcifal
1553a,2 Da swande sper vil ane zal
1553a,3 Den bid'ben was nach eren we
1553a,4 Er ein v'stach da sper noch me
1553a,5 Danne ie dehein ritt' da v'stach
1553a,6 Des muost er liden vngemach
1553a,7 Sin vngemach im ere holt
1553a,8 Im waren di bid'ben alle holt
- 1554a,1 Ez stach d' bid'be erenrich
1554a,2 Einen ritt' da nid' d' hiez ditrich
1554a,3 Von smida so was er genant

- 1554a,4 Den stach da nid' sin zesweniv hant
 1554a,5 Daz er gar sinnelos gelach
 1554a,6 biz an den aben al den tach
 1554a,7 Daz was doch sinen vrvnden leit
 1554a,8 Von den wart ez vil schiere v'chleit
- 1555a,1 Die sehse di ich hie han genant
 1555a,2 Di wurden ofte da an gerant
 1555a,3 Da was vil manic bid'be man .
 1555a,4 Des wurden ofte si bestan
 1555a,5 Des w'ten sich di bid'ben so
 1555a,6 Daz da ir lop must stigen ho
 1555a,7 Da wart manich schoene tyost geriten
 1555a,8 Vn- vil manich harnaschrinch v'sniten
- 1556a,1 Div ritt'schaft wert al den tach
 1556a,2 Manich helm vn- collir da gelach
 1556a,3 Vf d' erde h'renlos
 1556a,4 Den schilt vil manig' da v'los
 1556a,5 Daz man im in stach v're von d' hant
 1556a,6 zebrosten nid' vf daz lant
 1556a,7 Da lach vil schiben vn- sper
 1556a,8 Da vf dem velde hin vn- h'
- 1557a,1 Ir suelt fuer war gelauben daz
 1557a,2 Wol sibenzic ritt' od' baz
 1557a,3 Stachen mit den sehzen da
 1557a,4 Ich han sit selten and'swa
 1557a,5 Fuer war ich iv daz sagen wil
 1557a,6 Sehs ritt' starcher sper so vil
 1557a,7 V'stochen als von in geschach
 1557a,8 Ir hant wol hund't sper v'stach
- 1558a,1 Do sach ich daz gedranch an gie
 1558a,2 Die sehsse mit tyost dort vn- hie
 1558a,3 Des moht ich lang' niht v'tragen
 1558a,4 Do hiez ich snellichen sagen
 1558a,5 Von liechtenstein h'm Gawan
 1558a,6 Von landesere h'm ywan
 1558a,7 Daz si dar choemen vf den rinch
 1558a,8 Daz gebot was in ein liebe dinch
- 1559a,1 Si enblienden ez ir handen da
 1559a,2 Des s war vil ritt'lichen sa
 1559a,3 Ir beid' muot nach eren ranch
 1559a,4 Man hort von in da helmchlanch
 1559a,5 Vn- manigen schoenen schildes stoz
 1559a,6 D' spere chrachen wart da groz

- 1559a,7 Von tyost die schilde sich chluben
1559a,8 Daz spreizel ofte hohe vluegen
- 1560a,1 Daz spere chrachen was da groz
1560a,2 holerfloyten sumb'doz
1560a,3 Pusuonen vn- schalmyen schal
1560a,4 Moht niemen da gehoren wal
1560a,5 D' tyost man da gar wal vant
1560a,6 Swelch ritt' da den helm abe bant
1560a,7 Des beitet man niht mit tyoste da
1560a,8 Als man tuot oft doch and'swa
- 1561a,1 Da randen zwen ofte einen an
1561a,2 D' dem di tyost dort an gewan
1561a,3 Ze driviers d' sin sper v'stach
1561a,4 So was dem vf dy tiost so gach
1561a,5 Daz er z er twinst' da sin sper
1561a,6 V'stach dem was alze ger
1561a,7 Do chom man dort den an gerant
1561a,8 E ie choem sper da in sin hant
- 1562a,1 Mit disen freuden ende nam
1562a,2 D' tach div vinst' naht bequam
1562a,3 Di manig' niht vng'n sach
1562a,4 Do furen si an ir gemach
1562a,5 Die da von muede liten not
1562a,6 Von tyost da arm waren rot
1562a,7 Geswollen swarz vn- dar zu bla
1562a,8 Dem war daz dort dem war daz da
- 1563a,1 Des and'n morgens harte fruo
1563a,2 Di bid'ben zogten ab' zuo
1563a,3 Gezimirt des s war wunnechlich
1563a,4 Ir was vil manig' muotes rich
1563a,5 Daz wart vollechlichen schin
1563a,6 Vil manig' dient d' vrowen sin
1563a,7 Daz er den puneiz also reit
1563a,8 Daz ez dem and'n wart vil leit
- 1564a,1 Ez wart des tages ab' guot getan
1564a,2 Von manigem minne g'nden man
1564a,3 Vf dem velde hie vn- dort
1564a,4 Wart loch mit sper durch schilt gebort
1564a,5 Di von d' tavelrunde sich
1564a,6 Wol werten da des freut ich mich
1564a,7 Ez was ouch muezich niht min hant
1564a,8 Von mir wart ouch da sper v'swant

- 1565a,1 An disem buch ist niht so . vil
1565a,2 So von tyostiren da von wil
1565a,3 Ich z iv chuerzen swa ich mach
1565a,4 Ditz wert vnz an den fuenften tach
1565a,5 Daz wir des morgens fruo
1565a,6 Griffen mit tyostiren zu
1565a,7 Vn- triben daz vnz an den abent gar
1565a,8 bi min' hofcheit daz ist war
- 1566a,1 Nu merchet reht waz ich iv sage
1566a,2 Des abentes an dem fuenften tage
1566a,3 Chom ein bote zu mir geriten
1566a,4 D' gruoste mich mit hofschen siten
1566a,5 Vn- sprach "chuenich artus moeht ez sin
1566a,6 Ich solt ivch von dem h'ren min
1566a,7 Gesprechen fuer war gar heimlich"
1566a,8 So sprach d' bote zuehterich
- 1567a,1 Ich sprach "des bin ich iv bereit"
1567a,2 Mit im ich von den lueten reit
1567a,3 Do sprach er "werder chuenich rich
1567a,4 Iv hat d' furste friderich
1567a,5 bi mir enboten also her
1567a,6 Daz er vil schone wil driv sper
1567a,7 Gein iv v'stechen hie enzwei
1567a,8 Daz sol geschehen vor dem turney
- 1568a,1 Er giht ez si hie also vil
1568a,2 Getyostiret daz er ivch . des wil
1568a,3 biten daz ir z durch in lat
1568a,4 Wan er vil groze vnmuoze hat
1568a,5 Ir suelt den turney teilen lan
1568a,6 Da mit daz tyostiren vnd'stan
1568a,7 Des bitet ivch d' h're min
1568a,8 Imm' durch den dienst sin"
- 1569a,1 Ich sprach "ich tuon reht swaz er wil
1569a,2 Ez si luetzel od' vil
1569a,3 Des bin ich allez im bereit
1569a,4 Durch sin vil hohe w'diceit
1569a,5 Du solt sin alle di ritt' biten
1569a,6 Von im mit zuhtechlichen siten
1569a,7 Daz si die zuht gein im began
1569a,8 Daz si daz tyostiren durch in lan"
- 1570a,1 Der bot reit do alzehant
1570a,2 Wid' in den rinch da er vant
1570a,3 D' ritt' halden harte vil

- 1570a,4 Er sprach zu in "vil g'n ich wil
1570a,5 Iv allen hie sagende sin
1570a,6 Ein botschaft von dem h'ren min
1570a,7 Dem werden fuersten friderich
1570a,8 Er heizet ivch gruzen minnechlich
- 1571a,1 Ivch bitet d' werde h're min
1571a,2 Daz ir daz tyostiren lat sin
1571a,3 Daz ir turniret daz ist sin rat
1571a,4 Wan er vil groze vnmuze hat
1571a,5 Er muz von hinnen daz ist war
1571a,6 So v'durbe d' turney gar
1571a,7 Daz waere im leit solt daz geschehen
1571a,8 Wan er in gern wolde sehen"
- 1572a,1 Do sprach d' schenche von habechspach
1572a,2 "Iwerm h'ren ist ze dem turney gach
1572a,3 Wil ab' selbe er wapen hie tragen
1572a,4 Vil w'der bot daz suelt ir sagen
1572a,5 So teyle wir den turney
1572a,6 Vf in vn- uf den chuenich enzwei
1572a,7 Vn- choment si beide in eine schar .
1572a,8 So heten die and'n v'lorn gar"
- 1573a,1 Der bot sprach "des en weiz ich niht
1573a,2 Ich weiz fuer war daz er siht
1573a,3 Den turney des hort ich in gehen
1573a,4 Er wolde in endeliche sehen
1573a,5 Ist daz ich iv dr an dienen sol
1573a,6 So ervar ich iv daz wol
1573a,7 Ob er welle hie wapen tragen
1573a,8 Vn- iv daz hint wil ich h' wid' sagen"
- 1574a,1 Die ritt' sprachen alle do
1574a,2 "wir sueln ze kirchen chomen fruo
1574a,3 Vn- teylen da den turnei
1574a,4 Geschiht daz fruo daz ist vns guot
1574a,5 Hie ist manic ritt' hochgemuot
1574a,6 Daz den des zerinne niht
1574a,7 Als offte an manig' stat geschiht"
- 1575a,1 Mit freuden schiede wir vns da
1575a,2 Mannechlich reit schone sa
1575a,3 Da er die naht vant guot gemacht
1575a,4 Sa do d' and' tach vf brach
1575a,5 Do reit zu mir vil snellechlich
1575a,6 Des fuersten bot vz oesterrich
1575a,7 D' gruzt mich von dem h'ren sin

1575a,8 Des dancht mit zuehten im d' mu-t min

1576a,1 Er sprach "iv hat d' heree min

1576a,2 Enboten ot ab' den dienst sin

1576a,3 Vn- hiez iv daz v'holn sagen

1576a,4 Er wolde hie selbe wapen tragen

1576a,5 Vn- wolde mit iv hie endelich

1576a,6 Driv sper v'stechen ritt'lich

1576a,7 Er wil durch div vil reinen wip

1576a,8 vrbaren hie ritt'lich den lip

1577a,1 Ez wil d' w'de h're min

1577a,2 hie vnd' d' bruzel banir sin

1577a,3 Mit den wil er ivch bestan

1577a,4 Ir muezet vil guot helfe han

1577a,5 Od' er tut ivch alvmb hie

1577a,6 Ich gesach in hochgemut' nie

1577a,7 Er ist gemeit vn- dar zv vro

1577a,8 Sin muot d' stat von vrowen ho"

1578a,1 Ich sprach "ich mac vor im genesen

1578a,2 Vn- wil mir got genedic wesen

1578a,3 E daz er vmbe tu mich hie

1578a,4 Not muezen liden ritt's knie

1578a,5 Von manig' hurtechlich vart

1578a,6 Er vindet an vns gegenhart

1578a,7 Swie hohes mutes sin lip vert

1578a,8 Im wirt daz velt alhie gewert"

1579a,1 Div rede geschach des morgens fru

1579a,2 Ze chirchen fuor wir alle do

1579a,3 Do sich div messe v'endet da

1579a,4 Do fuor wir alle schone sa

1579a,5 In einen garten wunnechlich

1579a,6 Dar chom manich ritt' muotes rich

1579a,7 Den turney teilet man alzehant

1579a,8 Wie daz tuon ich iv wol bekant

1580a,1 Ich was selbe zehent chomen dar

1580a,2 Do het gemeret sich min schar

1580a,3 Von den die tavelrunde stat

1580a,4 Wurben da mit ritt's tat

1580a,5 D' waren zehen vn- dar zu dri

1580a,6 D' h'tze was vor schanden vri

1580a,7 Si waren ritt'lich gemuot

1580a,8 Vor ritt's wandel wol behuot

1581a,1 Zv min' schar man teylen sach

1581a,2 Den schenchen sa von habechsbach
1581a,3 D' ie mit arbeit ere holt
1581a,4 Zv mir geviel ouch h' chadolt
1581a,5 D' bid'be wise was er genant
1581a,6 Von zuht von tugenden weit erchant
1581a,7 Er was vor wandel gar behuot
1581a,8 Ich gesach nie ritt' baz gemuot

1582a,1 Zv mir geviel ouch h' heinrich
1582a,2 Von liechtenstein d' muotes rich
1582a,3 Von haselowe d' bid'be man
1582a,4 Geviel ouch zu mir d' nie gewan
1582a,5 Deheinen muot d' ere entrant
1582a,6 H' otte so was er genant
1582a,7 Sin lip was wandels vri
1582a,8 Im was vil hohiv tugende bi

1583a,1 Gegen mir ze were geschaffet wart
1583a,2 Her heinrich vn- h' wernhart
1583a,3 Die lebten bede vil ritt'lich
1583a,4 Des fursten gesinde vz oest'rich
1583a,5 Vil mit siner schar zu in
1583a,6 Ez was ir muot vn- ouch ir sin
1583a,7 Daz si des tages gewonnen guot
1583a,8 Vn- eren vil sus stuont ir muot

1584a,1 Von missowe min h' otte sa
1584a,2 Geviel in ouch ze helfe da
1584a,3 Von vronehoven min h' chol
1584a,4 Geviel zu in d' tet ez wol
1584a,5 Offte daz rede ich ane spot
1584a,6 Von valchenb'ch min h' Rapot
1584a,7 Geviel zu in d' zornic man
1584a,8 D' offte vlueche vil gewan

1585a,1 Der turney was geteilet nuo
1585a,2 Des waren die hochgemuten vro
1585a,3 Wir zogten vf daz velt zehant
1585a,4 Die helm man snellich vf bant
1585a,5 Vn- scharten vns dort vn- hie
1585a,6 Nu horet mich ich sage iv wie
1585a,7 Vier schar da wurden vn- niht me
1585a,8 Den bid'ben was nach eren we

1586a,1 Des fuersten gesinde vz oest'rich
1586a,2 Die scharten sich da ritt'lich
1586a,3 Zu den sich scharn da began
1586a,4 Von missowe d' vil bid'be man

1586a,5 Div schar div den turney solde heben
1586a,6 Si stapften bi einand' eben
1586a,7 Vn- habten sich zesamne wol
1586a,8 Als man ze rehte gegen vienden sol

1587a,1 Da reit ein schar vil schone nach
1587a,2 Geschart vil eben ir was niht gach
1587a,3 In d' schar reit min h' chol
1587a,4 Von vronhoven gezimirt wol
1587a,5 Die pruzel in d' schar ouch riten
1587a,6 Gezimirt wol nach ritt's siten
1587a,7 H' rapot in d' schar ouch reit
1587a,8 Von valchenperch d' vngemeit

1588a,1 Zv min' schar sich schone schart
1588a,2 Ein ritt' d' sich het bewart
1588a,3 Vor allem dem daz missestat
1588a,4 Sin lip begie manich ritt's tat
1588a,5 Mit sin' ellenthaften hant
1588a,6 H' chadolt wise was er genant
1588a,7 Er was d' vrowen dienstman
1588a,8 Da von er hohen lop gewan

1589a,1 Nach min' schar man stapfen sach
1589a,2 Geschart wol die von habechspach
1589a,3 bi den geschart reit ritt'lich
1589a,4 Von liechtenstein min h' heinrich .
1589a,5 Von haselowe d' bid'be man
1589a,6 H' otte reit da d' nie gewan
1589a,7 Deheinen vnritt'lichen muot
1589a,8 Er was vor schanden gar behuot

1590a,1 Mit disen scharn wir schone hie
1590a,2 zesamne stapften nu hoeret wie
1590a,3 H' chadolt wise zwei ros gewan
1590a,4 fuer war reht als ein bid'be man
1590a,5 In die malie rant er fuer
1590a,6 Wer da div ros gegen in v'luer
1590a,7 Die nenne ich iv hie zehant
1590a,8 Si waren da beide wol bechant

1591a,1 Von capellen h' pilgerin
1591a,2 h' Reimbot von newalin
1591a,3 Sus waren genant die zwene man
1591a,4 Den h' chadolt an gewan
1591a,5 Div orsse da de s war ritt'lich
1591a,6 Des fuersten bot vz ost'rich
1591a,7 Chom da gerant vil snelle zu

1591a,8 Ez was dannoch des morgens fruo

1592a,1 Er reit vil snellichen dar

1592a,2 Da die pruzel vnd' ir schar

1592a,3 In hohem muote schone riten

1592a,4 Gezimirt wol nach ritt's siten

1592a,5 Do er die brud' beide ersach

1592a,6 D' bot vil bloedechlichen sprach

1592a,7 "Ir suelt iwer turniren lazen sin

1592a,8 Daz gebiutet iv d' h're min

1593a,1 Er mage iv niht gehelfen hie

1593a,2 Ich gesach in vngemuot' nie

1593a,3 Er ist in vngemuote chomen

1593a,4 Im ist sin vreude gar benomen

1593a,5 Ich hort in vz d' maze chlagen

1593a,6 war vmbe daz getar ich niemen sagen

1593a,7 Ez ist ein so gar swach geschiht

1593a,8 Daz ich s iv getar gesagen niht"